

# *NY TAOM-PIANGONANA SMYRNA*

 Ray Mahafinaritra Indrindra, tena faly izahay izao hariva izao ny mahafantatra fa manana Fiainana tsy mety maty izahay ao anatin'ny vatanay. Nizarazara ho lela afo ilay Fiainan'Andriamanitray ka nipetraka teo ambonin'ny tsirairay tamin'izy ireo, ary feno ny Fanahy Masina izy rehetra ka nanomboka niteny tamin'ny fiteny hafa arak'izay nanomezan'ny Fanahy azy ireo ny fitenenana. O Ray, toy ny ahoana no isaoranay Anao fa nizara ny Tenanao teo anivon'ilay Fiangonana Ianao. Tsy mahagaga raha hoy ny Tomponay hoe, "Amin'izany andro izany dia ho fantatrareo fa Izaho ao amin'ny Ray, ary ny Ray ato Amiko, Izaho ao aminareo, ary ianareo ato Amiko." Ahoana fa monina eo anivon'ny Olony ilay Andriamanitry ny Lanitra! "Vetivety foana dia tsy hahita Ahy intsony izao tontolo izao, fa ianareo no hahita Ahy, satria homba anareo Aho, ho ao anatinareo mihitsy aza hatramin'ny fiafarlan'izao tontolo izao." Manerana ny taom-piangonana tsirairay dia ho eto Ianao, ilay tsy miova omaly, anio, ary mandrakizay, ka hahafantatra Anao amin'ny alàlan'ireo asa izay Ataonao izahay. "Izao famantarana izao no hanaraka an'ireo izay mino."

<sup>2</sup> Tompo, eo am-pahitana ny—eo am-pahitana ny fiafarlan'ireo taona rehetra, dia vonona ny hifarana ny fotoana ary hiditra ny Mandrakizay. Andriamanitra Ray, tena faly izahay ny mahafantatra fa miaina ao amin'io sisa nanamborana io izahay androany; mandinika ny fiainanay ka mahita an'ilay karazana tanjona izay anananay, ireo antony izay anananay, ary mahita fa ny Fanahy Masina no nifehy. Andriamanitra, enga anie ny olona tsirairay ao amin'ny Fanatrehana Masina izao hariva izao hahalala an'ireto taom-piangonana izay iainanay ireto ka handositra haingana mankany amin'ny Tompo Jesosy, satria izao no voasoratra mazava, hoe, "Ny Anaran'ny Tompo dia tilikambo mahery, ny marina miditra ao amin'Izany ka voaaro."

<sup>3</sup> O Andriamanitra, tongava izao hariva izao ka hosory ny vatanay, Tompo. Ento ireo mpirenirenny, O Tompo, izay tena mifanjevo; jereo ilay ondry mahanta, Tompo, tsy fantany izay inoana; misy ireo mpiandry izay miantso avy hatraiza hatraiza. Mivavaka izahay, Ray, mba handrenesan'izy ireo an'io Mpiandry ondry lehibe io, ny Tompo Jesosy, Ny Fanahiny lehibe hiteny izao hariva izao, hanao hoe, "Ry Zanako, mankanesa aty Amiko fa Izaho hanome anao ny Sabata, ilay Fitsaharana izay manisy tombokase anao mankany amin'ny fitodianao Mandrakizay." Tsy mihilangilana eto ambonin'ny tany raha mahita ny fotoana miha-tapitra izahay ankehitriny. Ekeo izany, Ray. Mitenena amin'ny alàlan'ny mpiteny, mihainoa amin'ny alàlan'ny sofin'ireo izay mandre, satria mihainoa izahay

rehetra. Amin'ny Anaran'i Jesosy no ivavahanay. Amena. Afaka mipetraka.

<sup>4</sup> Ankehitriny, izao hariva izao dia hianatra ny taom-piangonana faharoa isika. Mahita ny maro amin'izy ireo aho mandray naoty sy ny sisa, ary izany no antony tiako hanaovana an'ity hazava isan'andro.

<sup>5</sup> Ankehitriny, ny taom-piangonana faharoa dia nantsoina hoe ny taom-piangonan'i Smyrna. Ary izy dia niseho, ny Taonan'i Smyrna, dia nanomboka tamin'ilay fotoana iray ihany izay nifaranan'ny Taonan'i Efesosy. Ny Taonan'i Efesosy dia nanomboka tamin'ny A.D. 55 hatramin'ny A.D. 170. Ny Taonan'i Smyrna dia niditra tamin'ny 170 ary nandeha hatrany amin'ny 312. Ity fiangonana ity dia fiangonana voaenjika iray; ilay anankiray izay mitondra ny satroboninahitry ny maritiora, dia fiangonana iray an'ny fahoriana. Ary ny teny fikasan'Andriamanitra ho azy, ho an'ilay Fiangonana Voafidy tao anatiny, dia ny hanome azy satroboninahitra Fiainana iray.

<sup>6</sup> Ny fiangonana tsirairay dia nanana *kintana* iray izay notazonina teo an-tan'an'Andriamanitra, izay naneho "ny iraka" ho an'io taom-piangonana io. Ny tsara indrindra izay azoko eritreretina ho iraka tao amin'ny taom-piangonan'i Efesosy (satria tsy milaza ny Baiboly hoe iza izy ireo) dia i Paoly; satria izy no nanorina ny fiangonan'i Efesosy ary mpitoritenin'io taom-piangonana io; io no nitondra ny Hazavana ho an'ilay Fiangonana, izay i Masindahy Jaona no nandray azy avy teo. Ary avy eo i Polycarpe, ary mitohy midina... Polycarpe, raha ny marina, mitohy midina.

<sup>7</sup> Ankehitriny, ny Taonan'i Smyrna, izaho dia mino miaraka amin'ny rehetra... izay nety hitako, dia Irenée. Ary ankehitriny dia tiako ny hanome anareo ny antony izay nifidianako an'i Irenée raha tokony ho Polycarpe. Ankehitriny, ny ankamaroan'ireo mpitondra fivavahana rehetra dia te-hihevitra (ary ireo mpampianatra Baiboly) fa i Polycarpe io anjely io. Mpianatr'i Masindahy Jaona i Polycarpe, marina izany. Ary i Polycarpe dia nanisy tombokase... izy—maritiora iray izy, notsindronin'izy ireo avy hatrany teo amin'ny fony izy ary novonooiny. Ankehitriny, saingy lehilahy malaza iray izy, lehilahy mendri-kaja, lehilahy masina, malemy fanahy. Tsy isalasalana fa iray amin'ireo Kristiana lehibe indrindra izay hany nananantsika. Ary tsy nisy na inona na inona azonareo lazaina nanohitra ny fiainany.

<sup>8</sup> Ny antony nifidianako an'i Irenée: satria mino aho fa i Irenée no akaiky kokoa ny Soratra noho i Polycarpe. Satria nirona kely nankany amin'ny hevitra Romana hametrahana rafipandaminana iray i Polycarpe. Fa—fa Irenée dia nanohitra mafy an'izany, niampanga an'izany tanteraka izy. Ary avy eo, araka ny fantatsika rehetra, dia tonga tao amin'ny Fivoriambe Niseana

ilay adi-hevitra lehibe; ny iray tamin'ireo adi-hevitra lehibe dia na *telo* Andriamanitra na *anankiray* Andriamanitra. Ary Irenée dia naka an'ilay lafiny hoe Andriamanitra dia Andriamanitra, ankehitriny, Anankiray ihany.

<sup>9</sup> Afaka hamaky aho avy ao amin'ny *The Ante-Nicene Fathers*, boky voalohany, pejy 412, andalana kely iray fotsiny; raha tianareo ny handray naoty an'izany, boky voalohany an'ny *The Ante-Nicene Fathers*. Ary eo amin'ny pejy faharoa ambin'ny folo, ary izany dia ny . . . Raha tianareo ilay boky, izany dia ny ampahany faran'ilay boky fahatelo. Mety afaka hamaky an'ilay zavatra manontolo ianareo; misy toko maro an'izany eo, na fehezan-teny maro. Ankehitriny dia hanomboka hamaky avy hatrany aho eo amin'ny farany—eo amin'ny roapolo farany avy hatrany, andininy telopolo an'izany. Tsy hamaky azy rehetra aho, fa ampanhan'izany fotsiny:

“Ireo filazana hafa rehetra mitovy amin’izany dia . . . maneho an'ilay titra an'ny Vatana anankiray sy iray ihany;” (Hitanareo, miezaka milaza izy fa izy ireo dia niantso Azy hoe, ‘Ray, Zanaka, ary Fanahy Masina,’ ary hoy izy hoe, “Izany dia *titra*, fa tsy anarana, titra an'ny Vatana Anankiray.” Mbola izany marina tokoa no ampianarintsika amin’izao andro izao.) “tahaka ny, ohatra” (ary avy eo ao anatin’ny fonon-teny) “(amin’ny teny Anglisy), *Ilay Tompon’ny Hery*, *Ilay Tompo Rain’ny rehetra*, *Andriamanitra Tsitoha*, *Avo Indrindra*, *Mpamorona*, *Ilay Mpanao*, sy ny tahaka an'izany. Tsy anarana sy titran’ny fifandimbiasan’ny vatana samihafa ireo, fa an'ny anankiray sy iray ihany,” (Amena!) “amin’ny anaran’ilay Andriamanitra anankiray, Ray, dia . . . Izy—Izy izay ireo zavatra rehetra ireo . . . manaiky ho an'ny rehetra amin’ny . . . an'ny fisiana, ny mari-pankasitranan’ny fisiana rehetra.”

<sup>10</sup> Milaza i Irenée hoe “Ireo titra rehetra ireo dia voafintina ao anatin’ny Anarana iray, eo ambanin’Andriamanitra anankiray, ary titra an’izay naha-izy Azy fotsiny ihany ireo.” Izay no Raozin’i Sarona. Izany no naha-izy Azy. Titra iray izany. Izay no Kintan’ny Maraina. Izay no Alfa. Izay no Omega. Titra an’izay naha-izy Azy izany. Izay no Ray. Izay no Zanaka. Izay no Fanahy Masina. Saingy Andriamanitra *anankiray* no misy. Andriamanitra Anankiray, ary Ny Anarany dia Anankiray. Ary izany no antony anankiray izay niheverako fa Irenée dia marina ao amin’ny—ao amin’ny fanadihadiany eo, na ny fandikana ny Soratra.

<sup>11</sup> Zavatra hafa iray izay tiako ho vakiana aminareo, izany dia hita ao amin'ilay boky hoe: *How Did It Happen?* Ary tamin'ny alàlan'ireo mpahay tantara ity. Ary, *How Did It Happen?* an'i R. C. Hazeltine, ny tantaran'ireo fiangonana voalohany. Ary eto eo amin'ny pejy 180: “Ireo Fanomezam-Pahasoavana Ara-panahy Tamin’ny Andron’I Irenée, A.D. 177 hatramin’ny 202.” Ankehitriny, ny antony anononako an’ity, dia mandeha eo

amin'ny horonam-peo izany, hitanareo, ary—ary ho raisina eo amin'ny boky izany:

“Tamin’ny andron’i Irenée no nananan’ny ankamaroan’ny fiangonana Apostolikan’i Frantsa an’ireo fampianarany izany, hitanareo. “Ireo mambran’ny fiangonan’i Irenée tany Lyon,” Lyon izany, Frantsa, “dia niteny tamin’ny fiteny tsy fantatra. Tsy hoe tsy nahazatra ny nahita olona iray nitsangana niverina tamin’ny fiainana. Ny fanasitranana dia—ny fanasitranana dia zavamitranga iray isan’andro tao amin’ilay evangelistika rehetra.... ireo fiangonana ara-pilazantsara hatraiza hatraiza.” Io Irenée io dia nahafantatra hoe ahoana no hampianarana! “Natetipiseho ireo fahagagana. Raha ny marina, tsy mbola tsy nisy fanehoana mahagaga an’ny fanatrehan’Andriamanitra mihitsy tao amin’ireo fiangonana ireo na tamin’ny alàlan’ny fahitana, fiatoan’ireo singan’ny natiora, tao amin’ny fahagagana, mba hampahatsiahy an’ireo Kristiana ara-pilazantsara an’io andro io, fa Mpianany malalany izy ireo. Fa avy amin’ireo tantaran’ny lasa, dia tsy afaka mitsimpona ohatra tokana an’ny fitsanganan’ny maty tao amin’ilay fiangonana Romana voalohany isika.”

<sup>12</sup> Izany dia ireo olona izay tsy...tsy niròna tamin’ny lafiny iray, niteny ny fahamarinana fotsiny izy ireo. Ireo mpahay tantara.

<sup>13</sup> Izany no antony ieritreretako an’i Irenée, satria, hitanareo, nanana an’ilay finoana iray ihany izay nampitain’i Paoly sy ireo mpianatra izy. Izany no antony ananako...inoako fa izy no anjelin’ny fiangonan’i Smyrna, satria izy no... nanana an’ireo fampianarana ara-tSoratra iray ihany izy; ary ireo fampianarana ara-tSoratra iray ihany eo ambonin’ny fototry ny Tenin’Andriamanitra no hamokatra an’ilay zavatra iray ihany isan’andro. Raha haka ny fitsipik’Andriamanitra tsotra fotsiny ianareo ka hampihatra an’izany ara-bakiteny, tsy mampaninona izay lazain’ireo fiangonana, hanaraka fotsiny arak’izay nolazainy mihitsy, dia hamokatra an’ilay zavatra iray ihany izany. Ary izany no nataon’i Irenée.

<sup>14</sup> Ankehitriny, heveriko fa lehilahy iray mahafinaritra i Polycarpe, raha azoko; saingy milaza aho fa niròna be loatra handrafitra an’ilay fiangonana izy, ary tahaka an’izay nataon’ny Nikolaita. Nandrafitra an’ilay fiangonana izy ireo, ary—ary nitondra firahalahiana niaraka. Izay toy ny hoe mety tsara aratsaina, saingy, hitanareo, ilay Fanahy dia tena any aloha lavitry ny ara-tsaina hany ka...tsy afaka akory aza ianareo hihevitra mihitsy mankany—mankany amin’ny Fanahy. “Ny Fihevitro avo dia avo kokoa noho ny fihevitrareo,” hoy Andriamanitra. “Ny Lâlako dia avo kokoa noho ny lâlanareo.” Noho izany dia fomba tokana ihany no hanaovana an’izany; manaraka Azy fotsiny arak’ilay drafitra. Marina izany.

<sup>15</sup> Ankehitriny, mety mihevitra isika, raha avy nandeha niala teto ianareo... Raha nandeha nankany Chicago aho izao hariva izao, dia mety nivoaka teto aho ary naka famantarana avaratra iray ho ahy, ka nanao hoe, "Ankehitriny ndao jerentsika, mipetraka eo amin'ity lèlana ity mihitsy i Chicago. Eny àry, hiainga avy hatrany aho." Tsy afaka hivoaka an'i Jeffersonville aho. Hitanareo? Tsy maintsy maka sarintanin-dàlana iray ho ahy aho. Ary misy—misy fepetra iray... lèlana iray voasoritra izay ahafahako mandeha mankany Chicago ao anatin'ny dia adiny enina na fito amin'ny fiara, fa tsy afaka maka ny lèlana rehetra fotsiny aho. Tsy afaka maka ny lèlana rehetra fotsiny ny fiaramanidina; izy dia manana ny—ny lèlan'ny habakabaka iray na haavo anankiray sy ny sisa izay tsy maintsy hanidinany, ambaratonga iray izay maintsy hijanonany.

<sup>16</sup> Nisy lèlana iray natao, ary manana lèlana iray Andriamanitra. Manana ny lèlana ho an'Ny Fiagonany Andriamanitra, ho an'ny Olony. Ary tsy nikasa an'Izany mihitsy Izy mba ho fehezin'ny papa, kardinaly, arseveka, na mpanara-maso ambony. Ny Fanahy Masina no Mpitaiza ny Fiagonan'Andriamanitra velona, mba hitaiza Azy. Ary ny fahamasinana rehetra dia tsy mandeha mankany amin'ny kardinaly iray na pretra iray, mba hanao azy ho lehilahy masina ao amin'ny—ao amin'ny fiagonana, na inona na inona. Ny laïka dia tena manana zò mihitsy tahaka... zò betsaka amin'ny Fanahy Masina tahaka ny mpitiority teny rehetra, pasitera, diakona, mpitantan-draharaha, na inona koa. Laïka!

<sup>17</sup> Ary ny antony niantsoana azy hoe Niko-laita... Araka ny nananantsika omaly hariva, Nikolaita, novahavahantsika ilay teny ka nalaintsika avy tamin'ny Grika izany. Ary N-i-k-o, dia midika... Niko, izay midika hoe "mandresy na manongana." Inona? N-i-k-o, Niko-laita, laïka. "Mandresy ny laïka," ary manongana azy amin'ny fanomezana azy ireo lamin'olona iray, mpitonundra fivavahana izay nampianatra azy ireo sy nanana... nanao ny fehi-tenin'izy ireo manokana niaraka izy ireo. Tahaka an'izany no nisian'ny Fivoriambe Niseana. Satria maro no noviry niaraka ka nanamboatra lamina iray tao amin'ny Fivoriambe Niseana. Isika tsy... tsy te-hiresaka be loatra eo amin'izany, satria an'ny Alakamisy hariva izany, eo amin'ny Fivoriambe Niseana.

<sup>18</sup> Fa teo no niforonan'ny Fiagonana Katolika Romana, avy tamin'ny vondron'olona iray izay niova fo an'i Masindahy Paoly, sy Irenée, sy Masindahy Martin, ary mitohy midina. Kristiana niova fo izy ireo nankany amin'ny... avy tamin'ny fanompoan-tsampy nankany amin'ny Kristianisma, saingy te-hisintonia an'ilay fiagonana hiverina amin'ny endrika asampanompoana iray an'ny Testamenta Taloha, ohatra hoe manana mpisoronabe, sy—sy fifandimbiasana apostolika, ohatra hoe papa iray mankany amin'ny papa hafa iray, papa hafa iray. Raha

afaka nanohy nidina nanerana an'ity Baiboly ity isika, dia ho hitanareo fa izany marina tokoa ny fahamarinana sy hoe ahoana no nanamelohan'Andriamanitra an'ilay zavatra hatrany amin'ny voalohany mihitsy; ary ilay taom-pianganana omaly hariva, nanao hoe, "Halako izany!" ary toy izany koa no nataon'ilay Fianganana.

<sup>19</sup> Tsy nikasa hanao ny Fianganana ho tarihin'olona mihitsy Andriamanitra. Andriamanitra no mitarika Ny Fianganany, ary Izy no mitarika azy amin'ny alàlan'ireo fanomezan'ny Fanahy. Ireo fanomezan'ny Fanahy dia ao amin'ny Fianganana mba hanitsy an'ilay fanahy. Nametraka asa dimy an'ny asam-panompoana Izy tao amin'Ny Fianganany. Ny voalohany amin'izy ireo dia apostoly, na, misionera. Ny misionera no antso avo indrindra izay misy, apostoly. Ny teny hoe *misionera* dia midika hoe "anankiray nirahina"; *apostoly* dia midika hoe "anankiray nirahina." Nahoana izy ireo no mba mifidy hantsoina hoe misionera iray, tsy fantatra. Fa apostoly izy ireo. Eny àry. Apostoly, mpaminany, mpampianatratra, evanelista, pasitera. Ankehitriny, izany no asan'Andriamanitra voafidy ho an'Ny Fianganany.

<sup>20</sup> Avy eo ao amin'ny fianganana tsirairay eo an-toerana dia misy fanomezana ara-panahy sivy izay tonga eo anivon'ny olona, izany dia, fahalalana, fahendrena, fanomezan'ny fanasitranana, asan'ny fahagagana, fitenenana amin'ny fiteny tsy fantatra, fandikana fiteny tsy fantatra. Ary ireo zavatra rehetra ireo dia mandeha ao amin'ny vatana tsirairay ao an-toerana. Ary ny olona tsirairay ao amin'ny fianganana dia manana asam-panompoana iray isam-batan'olona, ary io asam-panompoana isam-batan'olona io dia mandeha miaraka amin'ny sisa amin'ny asam-panompoana, mba hampandroso ny Vatan'i Jesosy Kristy. Ary tsy mihitsy... .

<sup>21</sup> Ankehitriny, tsarovy izao, fa eto dia...Hanao sary an'ireo laharana ireo aho izao hariva izao. Ny fianganana voalohany, Efesosy; Smyrna, Pergamosy, Tyatira, Sardisy, Filadelfia, Laodikia. Ankehitriny, tsarovy raha mandeha izao, *ity* fianganana ity dia nanana ny fahafenoan'ny Fanahy, fa tany amin'ny fiafaran'ilay taom-pianganana dia hitantsika fa natosika nivoaka Izany. Nanosika amboniny kely ilay fianganana manaraka; amboniny kely; hany ka *ity* anankiray *ity*, pentina kely bitika iray fotsiny sisa no nisy. "Manana zavatra vitsivitsy ianao," hoy Izy. Oh, rehefa tonga eo amin'io Taom-Pianganana Tyatira io isika!

<sup>22</sup> Ankehitriny, taorian'io dia tonga, nanangana Alemandy iray Andriamanitra tamin'ny anarana hoe Martin Luther izay namerina an'ilay Fianganana indray. Nanomboka kely amboniny izy, nitory ny Fanamarinana izy; tonga i Martin Luther, nitory ny Fanamarinana. Tonga i John Wesley ka nitory ny Fanamasinana. Avy eo tao amin'ity taom-pianganana *eto*

ity, dia niverina avy hatrany indray teo amin'ny Batisan'ny Fanahy Masina indray izy ireo, niaraka tamin'ireo famantarana sy fahagagana iray ihany, tonga avy hatrany. *Teto no* nitetezany an'ireo dimanjato sy arivo taona an'ny Taona Maizina. Ary teo no nisy an'ilay maizina indrindra...na ilay vanimpotoan'ny fiangonana lava indrindra izay nananantsika ao amin'ireo taom-piangonana. Noho izany dia *eto no* manomboka miakatra izy, Fanamarinana, Fanamasinana, Batisan'ny Fanahy Masina. Ary nilaza ny Baiboly fa, “Amin’ny fiafarany’ity taona ity, dia ho voageja ity havitsiana kely eto ity satria ilay fiangonan’ny Pentekosta iray ihany dia hanomboka hanao an'ilay zavatra iray ihany izay natombok’izy ireo *teto*, Nikolaita.” (O Andriamanitra, avelao aho hihazona ny vavako hihidy mandra-pahatongako eo amin’izany.) Hitanareo? Izay mety hitako eo. Hitanareo, mandra-pahatonganareo hahita eto. Ary hasehoko anareo fa ilay irak’ity taom-piangonana ity dia hankahala anaram-piangonana. Hiseho ao amin'ireo zanaka ny Fanahy. Efa izany foana ilay izy. Ary ankehitriny isika dia manana ny...

<sup>23</sup> Ankehitriny, raha hanamarika an’ity ianareo, ahoana fa lehibe Izany teto, maty, ary farany dia nanempotra an’Izany tanteraka hatrany. Avy eo dia nanomboka indray Izany. Namerina an’Izany i Luther, Fanamarinana; Fanamasinana; Batisan’ny Fanahy Masina; ary avy eo teo amin’ny andro farany mihitsy, dia nosemporiny avy hatrany Izany, hany ka saiky maty tanteraka Ity, misy kely bitika fotsiny eo, ary tamin’izany no iantsoantsoany hoe “Raha tsy Nafoheziny ilay asa nohon’ny amin’ny Voafidy, dia tsy hisy nofo hovonjena.” Hitanareo? Eo ianareo izao, eo amin’ny andro farany mihitsy. Ankehitriny hazony ao an-tsaina izany.

<sup>24</sup> Ankehitriny dia hanomboka eo amin’ity Taom-Piangonana Smyrna ity isika. Voalohany dia tiako ny hamahavaha an’izany eto eo amin’ny taratasy iray izay izaho—izay ananako. Ankehitriny, ilay taom-piangonana faharoa dia Smyrna, ary mino aho fa hifanaraka amiko ianareo rehetra (na manantena aho fa mifanaraka ianareo, na ny antsasany, na ahoana na ahoana) fa Irenée no kintana ho an’io taom-piangonana io. Izy no irak’Andriamanitra satria nitety an'ilay firenena izy, tany Frantsa (Gaule), tany, ary izy no nanorina an'ireo fiangonana, ka ny tsirairay avy tamin’izy ireo dia niorina teo ambonin’ny batisan’ny Fanahy Masina, niteny tamin’ny fiteny tsy fantatra, nanangana ny maty, nanasitrana ny marary, nampijanona ny orana, ary nanao fahagagana isan’andro. Fantatr’izy ireo fa velona teo anivon’ny olona ilay Andriamanitra velona. Izany ilay lehilahin’Andriamanitra, satria hoy Jesosy hoe, “Tsy misy olona afaka manao...” Na, ny—hoy ny olona hoe, “Tsy misy olona afaka manao an'ireo asa ireo raha tsy Andriamanitra no momba azy.” Nikodemosy no niteny an’izany tamin’i Jesosy.

<sup>25</sup> Ankehitriny, tanànan'ny varotra iray; fifanakalozam-barotra iray nankany Lydia sy nankany andrefana. Ilay tanàna lehibe indrindra fahatelo tany Azia, tanànan-tseranana lehibe iray. Nalaza noho ny harena, tempoly, tranobe, sekoly, fitsaboana sy siansa. Ireo Jiosy dia nipetraka tao—tao Smyrna, ary nitory filazantsara tamin'ireo vahoakan'i Smyrna izy ireo. Polycarpe no eveka voalohany an'i Smyrna. Polycarpe sy ireo mpanompo mahatoky hafa no nanorina ny finoana lalina an'Andriamanitra tao amin'ireo Smyrniana nino. Ireo rain'ny fiangonana voalohany dia nanome ho an'i Smyrna ny fampaherezan'ny Fahamarinana.

<sup>26</sup> Ny taom-piangonan'i Smyrna, ny anaran'ilay fiangonana dia Smyrna, *Smyrna*, raha ny marina, izany dia midika hoe "fangidiana," miora. Mikambana amin'ny fahafatesana izany, satria teo am-pahafatesana izy ireo.

<sup>27</sup> Fiangonana iray voaenjika, Andriamanitra no niantso azy ireo hoe "voaenjika." Nijery teo amin'ny fanenjehana azy ireo Andriamanitra, ka nanome fahasovana hahazakàna an'izany. Nijery teo amin'ny fahoriany Izy, ka nanome azy ireo fandresena teo amin'ny fahafatesana. Nijery teo amin'ny fahantrany, ka nanome azy ireo harena tao Aminy. Nandalo an'ilay lafaoro afon'ny fahoriany Fiangonan'i Smyrna, saingy, hanim-pofona mamy ho Azy. Izany io Sisa nanamborana io ankehitriny, tsy ilay fiangonan'i Smyrna manontolo; ilay Sisa nanamborana fotsiny no resahako. Ireo *andro folon'ny fahoriany* lehibe dia midika hoe "folo andron'ny fanenjehana lian-drà indrindra."

<sup>28</sup> Tsy fantatro na afaka hilaza an'ity anarana ity aho, na hanonona azy, na tsia. Ity no emperor amin'io andro io, mino aho fa ny anankiray lian-drà indrindra tamin'izy rehetra hatramin'i Néron tamin'ny 67, D-i-o-c-l-é-t-i-e-n. Nandritry ny taona 303 hatramin'ny 312 A.D.

<sup>29</sup> Mampahery an'i Smyrna Andriamanitra mba hahatoky hatramin'ny fahafatesana, tahaka Azy, "Dia hanome anao ny satroboninahitra Fiainana iray Aho, tahaka ny nomen'ny Ray Ahy." Nampanantena an'ilay mpandresy Andriamanitra (ao amin'ireo fahoriany) ny fandresena eo amin'ny fahafatesana faharoa, "Aza matahotra an'ireo izay mahay mamono ny tena, fa Izay mahay mandrava ny fanahy, na, mamono ny fanahy." Izany . . . Tsy maintsy niharitra hatramin'ny farany ireo Smyrniana, "Aza matahotra olona, dia homena satroboninahitra Fiainana ianareo." Ny fanenjehana ny Kristianisma tao amin'ireo taona dia natao tandindona ao amin'ireo taom-piangonana, an'i Smyrna, izay tena zava-dehibe. Te-ho tonga eo amin'izany isika afaka kelikely fotsiny, raha sitraky ny Tompo.

<sup>30</sup> Ankehitriny, raha diso amin'ny sasany amin'ireto ny sasany aminareo raha mbola . . . raha manoratra azy haingana loatra aho ho an'ny sisa amin'ilay kilasy, amin'izay fotoana izay isika

dia...isika dia...afaka mahazo azy ireo avy aminay ianareo amin'ny fotoana rehetra tianareo hahazoana, ho faly izahay ny-ny hanome azy ireo ho anareo. (Mamelà ahy.)

<sup>31</sup> Ankehitriny eo amin'ny toko faha-2 ary ny andininy faha-8, no anombohantsika izao hariva izao. Ankehitriny, teo amin'ny inona no namelantsika Azy omaly hariva? Izy marina tokoa dia...nankahala ny Nikolaita. Marina ve izany? Ankehitriny dia inona no ataon'Andriamanitra? Inona no tsy maitsy hitantsika voalohany? Ny fanambaran'i Jesosy Kristy, hoe Iza Izy ary inona Izy. Ankehitriny ilay zavatra lehibe manaraka, dia hitantsika fa mankahala ny zavatra rehetra izay hametraka zavatra iray hanapaka Ny Fiangonany ankoatry ny Tenany Izy. Andriamanitra saro-piaro iray Izy.

<sup>32</sup> Toy ny ahoana no hitiavako hijanona, satria manana andininy efatra fotsiny isika eo, mba hanonona zavatra kely iray fotsiny. Firy no afaka mahatsiaro rehefa ilay mpaminany tsara, Samoela, rehefa te-hihetsika tahaka ny sisa amin'izao tontolo izao ny Isirael? Tsaroanareo ve izany? Ary niteny tamin'izy ireo ilay mpaminany, nanao hoe, "Diso ianareo!" Saingy te-hihetsika tahaka an'ireo Filistina izy ireo, ary tahaka ny-ny sisa tamin'izy ireo. Eny, izany marina tokoa no nitranga tao amin'io tena taom-piangonana voalohany io. Hafahafa fa tsy mila an'Andriamanitra hitarika azy ireo ny olona. Izy ireo dia te-hanaraka...nila lehilahy iray izy ireo. Isirael, dia nahavita ny fahadisoana lehibe indrindra izay hany vitany, rehefa...Efa nanomana mpaminany iray ho azy ireo ny fahasoavana, mpitarika iray, nanomana zanak'ondry iray ho azy ireo ho fanaovam-panavotana iray, ary nanomana sakafo ho azy ireo avy any an-danitra, ary ireo zavatra tsara rehetra izay nomanin'ny fahasoavana ho azy ireo, nefo dia mbola, ao amin'ny Eksodosy 19, nila lalàna iray foana izy ireo. Nila hanao mpampianatra ny momba an'Andriamanitra izy ireo, ary hanana lehilahy vitsivitsy, izy ireo dia nila hanana zavatra hatao tao anatin'Izany, ihany koa.

<sup>33</sup> Miezaka ny hohoatra an'ilay tena Mpamorona izay nanao azy foana ny olona, nefo tsy manao zavatra iray afaka-mamono ny tenany izy. Araka ny nitoriako Alahady vitsy lasa izay teo amin'ny-ny *Fivavahana Mifangaro*. Ary marina tokoa izany. Rehefa mampifangaro zavatra iray ianareo, izany dia tsy afaka mihitsy...maty izy! Vita ny aminy, tsy afaka miverina intsony izy. Ny ramole dia tsy afaka hiteraka indray ka hahazo ramole hafa iray, satria izy—ramole iray izy, mifangaro iray izy. Katsaka tsara, tsy afaka hahazo katsaka tsara avy amin'ny katsaka tsara mifangaro ianareo. Izany aza tsy....Mety mitombo izy, saingy izy dia—izy dia, oh, tsy tsara mihitsy izy. Tsy afaka manao an'izany ianareo. Ny zavatra rehetra izay mifangaro dia tsy tsara.

<sup>34</sup> Ary tsy tsara ny fivavahana iray mifangaro! Raha mbola miezaka hanampy zavatra eo amin'izay nolazain'Andriamanitra foana ianareo, na hanao zavatra izay tian'Andriamanitra hataonareo, dia fivavahana mifangaro iray izany. Mety ho tsara tarehy izany. Oh, ny katsaka mifangaro dia hamiratra mihoatra an'ilay katsaka ara-boajanahary. Ny ramole antitra iray dia hiasa mihoatra ny soavaly anankiroa. Eny, izany dia... Tsy asa ilay izy, rahalahy, tamin'ny fahasoavana no namonjena antsika. "Tsy tamin'ny asa no namonjena antsika, fa tamin'ny fahasoavana." Koa izany dia mety... Manantena aho fa tsy hihevitra ianareo hoe ireo fanamarihana ireo... Ianareo dia—eo ambanin'ny fisintonana iray ianareo, ary izaho—tsapako izany eto ambony eto. Hitanareo? Satria misy Presbyterana, Metodista, ary ny karazany rehetra ato. Fantatsika izany. Ary noho izany aho—tsapako izany. Ary tokony hanalefaka ny tenanareo kely matetitetika ianareo, hanala an'izany, toy izany.

<sup>35</sup> Ankehitriny, henoy. Ny zavatra rehetra mifangaro dia tsy tsara. Tsy maintsy maka an'ilay tany am-boalohany ianareo, ny fomba nanaovan'Andriamanitra azy, amin'izay fotoana izay ianareo vao mahazo zavatra izay tena misy.

<sup>36</sup> Ankehitriny, hitantsika arak'izany fa ity fiangonan'ny Isiraely ity, raha nandeha izy ireo, namahana azy ireo Andriamanitra, sy niahys azy ireo, ary nanao ny zavatra rehetra ho azy ireo. Ary farany dia njery teo amin'ireo Filistina izy ireo, sy ireo Amorita, ary ireo... ary ireo hafa, ka nanao hoe, "Mila mpanjaka iray izahay! Manana zavatra izay tsy anananay izy ireo."

<sup>37</sup> Izany ilay zavatra iray ihany izay ataon'ny olona amin'izao andro izao. Ny iray amin'ireo, ireo anabavintsika, dia hijery eo amin'ny televiziona ka hahita an'i Gloria Swanson, na iza izy ireo... ny sasany amin'ireo vehivavy miaraka amin'ny karazana akanjo iray, ary tsy afaka hahatanty an'izany mihitsy izy ireo mandra-pahazoany anankiray. Hitanareo? Mahita vehivavy iray any an-tanàn-dehibe ianareo, "Oh, tsy mahafatifaty ve izao?" Inona no iraharahianareo an'izay anaovany? Ny olona, tahaka an'izany fotsiny izy ireo, nilaza aho fa izao no andron'ny—ny fakan-tahaka, ny olona iray te-haka tahaka an'ilay hafa. Alaivo ilay... Misy an'i Elvis Presley betsaka ankehitriny, izaho—teneniko aminareo, tsy afaka hamatratra azy ireo ao anatin'ny vagao ianareo, satria lasa malaza izy ao amin'ny famp-... fakan-tahaka ara-nofo!

<sup>38</sup> Manana an'ilay zavatra iray ihany isika ao amin'ny fivavahana. Ilay... Namaky ny tantaran'i Martin Luther aho, ary ianareo mpanao tantara rehetra dia mahafantatra. Nilaza izy ireo fa tsy zava-mahagaga iray ny nahafahan'i Luther nanohittra ny fiangonana Katolika ka afaka tamin'izany, fa ilay zava-miafina lehibe indrindra, dia ny nahafahany nihazona ny lohany teo ambonin'ilay fanatismra rehetra izay nanaraka ny fifohazany

ka mbola nijanona tamin'ny Teny foana. Izany ilay fahagagana, toy ny ahoana no nitehirizan'Andriamanitra azy ho madio sy mahitsy.

<sup>39</sup> Ankehitriny, noho izany dia nanatona an'ity Samoela ity izy ireo. Hoy izy ireo hoe, "Manaova ho anay mpa-...na manaova ho anay mpa—mpanjaka iray." Ary niteny taminy ny Tompo fa Nolaviny io hevitra io, marina tokoa tahaka ny Nandàvany ny rafi-pandaminana eto.

<sup>40</sup> Tahaka ny Nandàvany an'izany mihitsy, no Andàvany an'ireo rafi-pandaminana. Tsy mandà an'ilay fikambanana Izy, fa ny rafi-pandaminana. Ny fikambanana, tokony hanana an'izany isika. Fa ny rafi-pandaminana no tokony tsy hananantsika, satria manisy fefy izany: "Izahay dia *Izao-sy-izao*." Kristiana ve ianao? "Metodista aho." Kristiana ve ianao? "Batista aho." Izany dia tsy midika mihoatra ny kisoa iray ao amin'ny tranon-kisoa. Tsy misy idiran'io amin'Izany, mihitsy. Kristiana iray!

<sup>41</sup> Nanontany zazavavy iray aho indray hariva, teto amin'ny lampihazo hoe, "Kristiana ve ianao?"

Hoy izy hoe, "Nahoana, omeko ianao mba hahazo, mandoro labozia iray isan-kariva aho." Toy ny hoe nisy nidiran'izany amin'ny Kristianisma!

<sup>42</sup> Hoy ny lehilahy iray hafa hoe, "Eny, Amerikana iray aho. Azo antoka!" Eny, tsy misy idiran'io amin'Izany, tsy misy zavatra iray. Kristiana ianareo satria an'ny Fanjakana hafa iray. Marina izany. Ary ianareo dia—ao anatin'ny Fanjakana hafa iray ianareo, any ambony.

<sup>43</sup> Ankehitriny, inona no nataon'i Samoela? Ilay zavatra iray ihany izay nataon'Andriamanitra teto mihitsy. Niantso ny Isiraelly niaraka i Samoela, hoy izy hoe, "Ankehitriny, henoy aho. Te-hanontany zavatra aminareo aho. Efa mba nisy ve indray mandeha izay mba nitenenako zavatra taminareo izay tsy marina?" Hoy izy, "Izaho—mpaminanin'Andriamanitra eo anivonareo aho. Mitenena amiko indray mandeha izay mba nitenenako zavatra taminareo tamin'ny Anaran'ny Tompo izay tsy niseho." Izany no nolazain'i Samoela tamin'izy ireo. Hoy izy hoe, "Ary tsy namahana anareo ve Andriamanitra ka niahya anareo ary nanao an'ireo zavatra rehetra ireo?" Hoy izy, "Manota ianareo amin'ny fiezahana mihetsika tahaka an'ireo firenena hafa."

"Oh . . ." hoy izy ireo.

<sup>44</sup> Hoy izy hoe, "Te-hanontany zavatra hafa aminareo aho. Efa mba naka vola avy taminareo ve aho? Efa mba nangataka rakitra taminareo ve aho? Na efa mba niteny zavatra taminareo tamin'ny Anaran'ny Tompo ve aho ka tsy niseho?"

Hoy izy ireo hoe, “Tsia. Tsy naka ny volanay mihitsy ianao, marina izany. Ary tsy niteny zavatra taminay tamin’ny Anaran’ny Tompo mihitsy ianao ka tsy niseho.”

Hoy izy hoe, “Noho izany dia henoy aho! Manota ianareo amin’ny fiezahana mihetsika tahaka ny sisa amin’izy ireo.” Saingy nila mpanjaka iray izy ireo na ahoana na ahoana! Tsy mampanganona na marina ilay izy na diso, izy ireo—nila nanatanteraka ny heviny izy ireo.

<sup>45</sup> Izany ilay zavatra iray ihany izay nataon’ny fiangonana eto mihitsy tao Efesosy, nandray ny foto-pampianaran’ny Nikolaita izy ireo. Ary rehefa nandray izy ireo, dia izany no nanosika azy ireo avy hatrany hanaiky ny fanompoan-tsampy sy ny Kristianisma hiaraka ka niteraka dimanjato sy arivo taona an’ny Taona Maizina. Ary rehefa nisintona azy ireo hivoaka i Luther, raha (ilay fihodinana faharoa) tsy nanao an’ilay zavatra iray izay nataon’izy ireo tany Efesosy ireo Loterana! Marina tokoa.

<sup>46</sup> Ankehitriny, raha hanamarika ianareo, ireo fanaovan-jiro dia tsy nipetraka tsara tahaka an’izao. Nanomboka teto ambany teto tahaka an’izao izy ireo ary niakatra. Eny, ilay anankiray ambony indrindra izay niala lavitra avy teo amin’izay Nitsanganany dia ity anankiray *eto* ity. Ary ny Kristianisma dia sempotra tsikelikely arakaraky ny nandehanany niala avy teo amin’izay Nitsanganany tao amin’ny endriky ny hazo fijaliana, araka ny nahitantsika Azy tao amin’ny toko faha-4; tao amin’ny endriky ny hazo fijaliana tahaka an’izao. Ary *ity* no Tànanay ankavanana, *itsy* no Tànanay ankavia. Ankehitriny, *eto* mihitsy, dia nanana ny Tànanay eo amin’*ity* fiangonana ity sy eo amin’*itsy* fiangonana *itsy* Izy. Izy no sady Alfa no Omega ary, mazava ho azy, ny rehetra izay eo anelanelan’ny anankiroa, ireo litera hafa rehetra. Fa nilaza manokana Izy hoe, “Alfa sy Omega.” Nanana avana iray Izy teo ambonin’ny Lohany, dia ny Fanekeny.

<sup>47</sup> Ankehitriny, raha mahamarika ianareo, ny jiron’ny Pentekosta, teo amin’izay nanombohany, dia niha-maty tsikelikely. Ireto lehilahy ireto, Irenée, Polycarpe, ny sisa rehetra tamin’izy ireo dia nanisy tombokase ny filazany tamin’ny ràny, hany ka izany no nangeja ny Kristianisma tamin’ny farany tao anatin’ny andro maizina indrindra.

<sup>48</sup> Jereo ankehitriny, ilay taona voalohany an’ilay ilany hafa an’io trafo lehibe io, tonga ny Hazavana bitika kely, Hazavana amboniny, avy eo Hazavana amboniny. Jereo hoe toy ny ahoana no Anombohany mamiratra indray, tonga hatrany amin’io andro io. Ary ankehitriny eo amin’ny fiafarany’*ity* taona ity, dia voalaza mialoha eto izany fa ho tonga eo amin’ny *Laodikiana* iray, “matimaty” iray. Ankehitriny, io izy. Nahoana, raha *ity* zavatra eto ity no nitondra nankeo amin’*ity*, dia nahoana isika no hila an’izany eto ao amin’ny Pentekosta?

<sup>49</sup> Ary fantatrareo fa hoy ny Baiboly hoe, "Hisy bibidia iray." Ary fantatsika fa ny fanaovana papa Romana izany. Marina tokoa izany. Ary avy eo dia hanao sary iray ho an'io bibidia io izy ireo. Inona ny sary iray? Zavatra natao mitovy amin'izany. Ary izany dia ny fiombonamben'ny fiangonana, ary ao anatin'izany ny Pentekosta. Ho avy ny fotoana iray izay na hikambana amin'ny rafi-pandaminana iray ianareo na tsy afaka hihazona ny varavararanareo hisokatra. Ankehitriny dia jereo raha tsy marina izany! Izany no antonyhivelesantsika an'izany ho faty mihitsy. Eny, tompoko. Ianareo tsy afaka . . . Ambanimbany kokoa noho izany, hiezaka izy ireo hanery anareo mafy, hany izy ireo ka hiezaka ny . . . tsy hamela anareo hividy na hivarotra raha tsy manana an'io mariky ny rafi-pandaminana io eo aminareo ianareo. Izany no hampiditra an'ilay izy avy hatrany.

<sup>50</sup> Tahaka ny tamin'izany andro izany mihitsy, nodorany izy ireo, izy ireo . . . Nitsangana tany amin'io kianja tany io aho; nitomany tahaka ny zazakely iray rehefa njery teo amin'izay nitsanganan'ireo gladiatora tao amin'io kianja fahiny any io. Ary—ary mahita an'ireo zavatra ireo, ka mahafantatra fa maro tamin'ireo rahalahiko Kristiana no nohanin'ny liona sy—sy torotoro potipotika teo amin'ilay tany any, ary ireo vehivavy sy ankizy kely sy ny sisa. Ary nieritreritra aho hoe, raha nandeha nidina tamin'ny finoana izy rehetra, dia hamela azy ireo fotsiny ve aho ankehitriny? Tsia, tompoko, rahalahy! Andriamanitra, avelao aho hanohana an'ilay Finoana izay voatolotra indray mandeha ho an'ny olo-masina! Io Zavatra iray io ihany, tsy mampaninona na tsy malaza toy ny ahoana aza . . .

<sup>51</sup> Misy olona iray te-hilaza foana hoe, "Eny, . . ." Nisy olona iray nilaza vao tsy ela akory izay . . . Oh! Mpitoriteny malaza firy eny amin'ny saha no efa niantso ahy ka nanao hoe, "Rahalahy Branham, raha tsy ajanonao io, dia hanohitra anao ny rafi-pandaminana rehetra."

<sup>52</sup> "Nahoana," hoy aho, "misy Anankiray izay tsy hanohitra, izany dia ilay Anankiray izay any An-danitra. Izany ilay Anankiray tadiaviko." Hitanareo? Ankehitriny, tiako ny olona ao anatin'ny rafi-pandaminana rehetra. Azo antoka. Saingy efa mba niteny zavatra taminareo ve aho izay ny Tompo . . . tamin'ny Anaran'ny Tompo, ka tsy niseho? Hitanareo? Efa voalaza sy vita tsara ve ny zavatra rehetra? Efa mba nangataka ny volanareo ve aho? Noho izany dia mijanòna any ivelan'ireo rafi-pandaminana! Mijanòna afaka ao amin'i Kristy, aoka ny Fanahy Masina no hihetsika mifindrafandra isan'andro ao ampiangonana.

<sup>53</sup> Ny zavatra tokana misy antony, dia esory hiala aminareo ireo fahasamihafana kely ireo. Ireo isma kely, sy ireo fihetseham-po hafahafa manodidina anareo mikasika an'ireo rahalahy, ary ireo zavatra tahaka an'izany, esory miala izany! Aza mamela fakan'ny fahangidiana hany hiditra ao anatin'ny fanahinareo.

Raha mamela ianareo, dia hanimba anareo izany. Marina. Tehirizo ny fitiavana! Tsy ahoako na firy ny olona mankahala anareo, tiavo izy ireny na ahoana na ahoana. Raha tsy afaka manao an'izany ianareo, dia mila...ny...ianareo tsy...tsy voaisy tombokase ianareo, mbola eo amin'ny toerana miovaova iray ianareo. Noho izany dia avia, miverena, ka ataovy vita tombokase tsara mihitsy amin'ny Ràn'i Kristy izany. Izany no hanadio anareo ho afaka amin'ireo fakan'ny fahangidiana rehetra. Eny.

<sup>54</sup> Ankehitriny, hitanareo, fa manandrana indray isika. Nilatsaka teo amin'ny 1906 ny Fitahiana Pentekotista, tany ho any. Misy mpitoriteny iray mipetraka miaraka amintsika izao hariva izao, misionera iray avy any Tibet, iray amin'ny fi.... Tsy milaza an'izany aho satria eto ny fanatrehany; manantena aho fa tsy lasa nody izy. Heveriko fa mbola eto izy, saika hiteny kely ho antsika talohan'ny nahatongavako. Ary io lehilahy io dia mahatsiaro ny fiandohan'ny Pentekosta. Tsy nisy rafipandaminana iray mihitsy, ny olona rehetra dia nanana an'ireo zavatra niombonana. Oh, mora toy ny ahoana ny mandray an'ilay lâlana ratsy teo mihitsy, ary toa tsara toy ny ahoana ilay ara-tsaina.

<sup>55</sup> Jereo, kely no fantatry ny Isiraely rehefa nitsangana teo amin'ilay morona izy ireo tany, nihiakiaka... Ankehitriny, hoy ianareo hoe, "Zavatra vaovao ity karazana fivavahana ity." Nahoana, izany no tranaity indrindra izay misy. Azo antoka. Talohan'ny hany nanaovan'izao tontolo izao mihitsy aza, dia efa nihiakiaka sy nidera an'Andriamanitra izy ireo. Andriamanitra no niteny an'izany, nanontany an'i Joba hoe, "Taiza izy rehefa ireo—rehefa niara-nihira ireo kintan'ny maraina, ary nihiakiakam-pifaliana ireo zanak'Andriamanitra." Talohan'ny hany namoronana an'izao tontolo izao izany.

<sup>56</sup> Fa jereo i Isiraely ankehitriny, efa nahita an'ireo fahagagana. Izany no Pentekosta voalohany; Isiraely, ny Pentekosta an'izany andro izany. Ankehitriny dia efa nentina nivoaka an'i Egypta izy ireo, nitahy azy ireo Andriamanitra, nanome azy ireo ny karazana famantarana sy fahagagana lehibe rehetra, ka nanafaka azy ireo. Ary rehefa nitsangana teo amin'io morona io izy ireo ka nanana fivoriana Pentekotista... Nanana izy ireo! Henoy ankehitriny. Nihira tao amin'ny Fanahy i Mosesy, ary naka amponga tapaka iray i Miriamka nihazakazaka teo amin'ilay morona, nikapoka an'io amponga tapaka io, nandihy tao amin'ny Fanahy; ary nanaraka azy ireo zanakavavin'ny Isiraely, nandihy tao amin'ny Fanahy. Raha tsy izany no fivoriana Pentekotista iray, dia tsy mbola nahita anankiray mihitsy aho. Kely no ninoan'izy ireo fa ilay—ilay tany nampanantaina dia efapolo taona teo alohan'izy ireo. Teo amin'ny efapolo maily teo fotsiny izany. Saingy nila efapolo taona handehanana efapolo maily izany satria nifidy an'ilay

zavatra ratsy izy ireo. Nifidy mba hanana lalàna izy ireo raha tokony namela ny Fanahy Masina hitarika azy ireo, ny Andry Afo hitondra azy ireo hanohy hatrany sy hitarika azy ireo. Nila nanana zavatra ataon'ny tenany izy ireo; nila nanana pretra sasantsasany, sy manan-kaja sasantsasany, ary teolojia kely izay azon'izy ireo ifamaliana, raha tokony hanohy fotsiny ka hamela ny Fanahy Masina hitarika azy ireo. Tao amin'ny Fanahy izy ireo; nanomana ny zavatra rehetra Andriamanitra, saingy tsy maintsy nanana zavatra hatao tao anatin'Izany izy ireo.

<sup>57</sup> Toy ny manafangaro mihitsy indray. Avelao hipetraka tsara ilay ombivavy. Avelao hipetraka tsara ilay soavaly. Avelao hipetraka tsara ilay sakafo. Izy ireo... Nilaza ny siansa, ao amin'ny *Reader's Digest*, ilay lahatsorany, raha manohy manafangaro sakafo izy ireo, ka mihinana an'izany ny olona... Tahaka an'ireo akoho, manana an'ireo akoho mampalahelo izy ireo hany ka tsy manana elatra na tongotra izy. Ary raha manatody izy, dia mametraka ny tenany ho faty, herintaona ihany no ahafahan'izy ireo ho velona. Ary tena malemy ilay hoditra ka zara ianareo raha afaka hihinana azy. Ary mihinana an'izany ny olona, manimba ny olona izany. Marina izany.

<sup>58</sup> Fantatrareo, mitombo eo amin'ny efapolo isan-jato eo ny firaisan'ny mitovy fananahana eto Etazonia, tamin'ny taona lasa. Ary efa fantatrareo ve fa ny siansa dia milaza fa lasa mivelatra eo amin'ny sorony ireo vehivavy ary tery eo amin'ny valahana, ary ireo lehilahy dia lasa tery eo amin'ny sorony ary mivelatra eo amin'ny valahana? Mihinana voa simba iray ianareo, mihinana karazan-javatra simba ianareo. Ny vatanareo dia natao mba hitombo eo amin'ny zavatra ara-boajanahary. Ary inona no ataon'izany? Manova an'ilay fandehanana araboajanaharin'ny lehilahy sy ny vehivavy mihitsy aza izany, hany i Hollywood, na dia ny governemantsika aza, sy ny zavatra rehetra dia feno fanimbàna. Inona no ataony? Entin'izy ireo eo amin'ny tenany izany amin'ny alàlan'ny hazon'ny fahalalany manokana, mamono ny tenany.

<sup>59</sup> Miverena any amin'ny voalohany! Avelao hipetraka tsara ny natiora. Avelao hipetraka tsara Andriamanitra. Tehirizo ao amin'ny Fanahy Masina ilay Fiangonana; ary mialà lavitra an'ireo eveka sy papa rehetra miaraka amin'ny karazana foto-pampianarana rehetra ireo. Miverena eo amin'izay nanombohantsika. Miverena. Mety ho tonga izao hariva izao Jesosy, hilaza ianareo hoe, "Metodista aho."

Hilaza Izy hoe, "Tsy tahaka an'izany ny tany amin'ny voalohany!"

"Presbyterana aho."

"Tsy tahaka an'izany ny tany amin'ny voalohany!" Inona no tany amin'ny voalohany? Fahatsapana Pentekotista iray an'ny batisan'ny Fanahy Masina. Tahaka an'izany no Nanombohany.

<sup>60</sup> Fa, hitanareo, tsy maintsy nanimba an'izany isika. Oh, manao tsara tarehy kokoa izany. Azo antoka. Io fiangonana kely mitsangana mandihy eo io, sy mihiakiaka; ary eny andàlambe, ary mitora-bato azy ireo ny olona, maneso azy ireo, sy ny zavatra rehetra tahaka an'izany. Tsy tena tsara tarehy izany. “Fa ankehitriny izahay dia manana an'ilay Doksolojia lehibe, sy ny Fanekem-pinoan’ny Apostoly, ary, oh, Dokotera Ph.D., L.L. L. roa D., *Izao-sy-izao* ho an’ny pasiteranay.” Ary tonga ka manao hoe, “Ah-man,” tahaka ny zanak’omby iray tratry ny fivonkinan’ny hozatra, ary manohy tahaka an'izany, ireo karazan-javatra rehetra ireo.

<sup>61</sup> Mamelà ahy, izaho—tsy izany no tiako lazaina. Mamelà ahy, tsy tahaka an'izany no tiako ilazana azy. Hitanareo? Tsy izany no tiako lazaina. Tsy tsara ho an’ny mpanompon’Andriamanitra iray izany.

<sup>62</sup> Fa, jereo, izy rehetra, izaho... vao tonga tato an-tsaiko fotsiny ilay izy, hitanareo. Fa mitsangana ka milaza an'ireo zavatra samihafa rehetra ireo tahaka an'izany, manao eo anatrehan’ny ... fantatrareo, manao hoe, “Ankehitriny, tsia, tsy milaza tsara an'izany ianareo. ‘Ah-man.’” Tiako ny fivoriana tsara iray, Pentekotista fahiny izay misy ny herin’Andriamanitra milatsaka, ka miantsoantsy sy mihiakiaka ary midera an’Andriamanitra fotsiny ianareo, manana fotoana iray lehibe. Izany ilay fanao; mihazona ny olona ny Fanahy. Fa isika... Saiky tsy afaka mandre “Amena!” iray intsony ianareo, ilay izy dia “Ah-man.” Kanefa, eo no misy antsika, hitanareo. Ireo rafipandaminana henjana ireo, mirehareha...

<sup>63</sup> Ankehitriny ve ny apo-... Nisy faminaniana iray mikasika an'izany ve? Tsaroanareo ve ny faminanian'i Paoly omaly hariva? “Fantatro fa aorian’ny fandehanako, dia hiditra eo anivonareo ireo amboadia, ary lehilahy avy amin’ny kilasinareo manokana, ny... ao amin'ilay fiangonana manokana mihitsy (ireo Fiangonana Katolika Romana, tonga) no hitsangana eo anivonareo ka hitarika an'ireo mpianatra hanaraka azy ireo.” Ary ireo amboadian'i Paoly, hitantsika, dia lasa Nikolaita.

<sup>64</sup> Henoy ny Fanahy miteny amin’ny alàlan’ilay mpaminany indray hoe, “Amin’ny andro farany dia ho tonga ireo andro mahory, fa ho tia ny tenany manokana ny olona, (‘Izaho no Dokotera *Ranona-sy-ranona*, aza miteny amiko mikasika an’Izany, ankehitriny. Homeko mba hahazoanareo fa Presbyterana aho. Haleloia!’ Na, ‘Pentekotista aho.’).” Inona no fahasamihafana ataon’izany, raha tsy Pentekotista aranatiora ianareo? Ilay fahatsapana an'izany, hitanareo. Eny, tomopoko. “Mikambana amin’ny Assemblées aho.” “Mikambana amin’ny Fiangonan’Andriamanitra aho.” Eny izany... inona no fahasamihafana ataon’izany amin’Andriamanitra? Tokony hikambana amin’ilay Fanjakana any ambony, hitanareo. Marina izany.

<sup>65</sup> Ankehitriny, raha—raha hitanareo, ilay...ireo zavatra rehetra ireo dia fanangonana iray fotsiny an'ny—an'ny hafaliana. Ankehitriny, Izao no voalaza hoe, “Ho kiriana izy ireo, mpieboebo, tia ny fahafinaretana mihoatra ny fitiavana an'Andriamanitra.” Oh, tsy afaka handeha any am-piangonana izy ireo ny Alahady hariva raha mbola misy fandaharana tsara an'ny televiziona foana mandeha. Oh, oadray! Isan’andro izy ireo... Manana ekipan’ny baolina mihitsy aza ireo fiangonana, sy ireo lasopy sakafo hariva, ary fetin-dalao baolina, ary, “tia fahafinaretana mihoatra ny fitiavana an'Andriamanitra, mpanontolo fo, mpanendrikendrika, tsy mahonom-po, ary tsy tia an'ireo izay tsara.” *Ireto manamavo an'iretsy*, hitanareo. *Ireto manamavo an'iretsy*, manakenda azy ireo. Tsy tia an'ireo izay tsara.

<sup>66</sup> Oh, hoy ianareo hoe, “Kominista izy ireo, rahalahy.” Oh, tsia. Tsia, tsia.

<sup>67</sup> “Kiriana, mpieboebo, tia fahafinaretana mihoatra ny fitiavana an'Andriamanitra, mpanontolo fo, mpanendrikendrika, tsy mahonom-po, tsy tia an'ireo izay tsara, manana ny *endrika*...” Fahatsapana ara-anaram-piangonana, hitanareo. “Manana ny endriky ny toe-panahy araka an'Andriamanitra, nefà mandà ny Heriny.”

<sup>68</sup> Ho inona ianareo amin’ity andro ity? Hitanareo, “Manana endriky ny toe-panahy araka an'Andriamanitra.” Mandeha any am-piangonana mpivavaka mihitsy araka izay maha-izy anareo, ny Alahady, nefà manao sorta ny Alahady tolakandro, manapaka ahitra eo an-tokontany ary maka an'ilay Oertel’s 92 eo ivelany. Ary mivoaka any ivelany ilay pasitera ka mifoka sigara iray dia miverina, fantatrareo. “Manana ny endriky ny toe-panahy araka an'Andriamanitra!”

<sup>69</sup> “Eny, pasitera, manana fiangonana iray izy ireo ery ambony ery, miteny amiko izy ireo fa nisy ramatoa iray indray andro sitrana tamin’ny hom-...”

“Hmm. Hmm. Fahadalana! Efa lasa ireo andron’ny fahagagana.”

<sup>70</sup> “Eny, mba fantatrao moa? Izaho—izaho—tany amin’ny fiangonana kely iray aho indray hariva, io misiona kely etsy amin’ny sisin-dàlana etsy io, ary nisy olona iray nitsangana tao, niteny zavatra, nib-...”

“Oh, malala, aza mikambana amin’ny karazan-javatra tahaka an’izany mihitsy ianao. Aliko romotra izany. Oadray! Aza miadaladala amin’izany. Holy-rollers izany. Aza ianao mihitsy...”

<sup>71</sup> “Manana ny endriky ny toe-panahy araka an'Andriamanitra nefà mandà ny heriny, alaviro ireny. Fa izany ilay karazana izay mandeha mitety trano ka mitarika an'ireo vehivavy adaladala entin’ny filàna maro, tsy afaka hianatra mihitsy na mba

hahatratra ny fahalalana ny Fahamarinana.” Marina tokoa izany. Eo ianareo izao, fikambanan’ny ramatoa mifanampy, *ity* fikambanana *ity*, *itsy*. Manana fikambanana maro be ilay fiangonana mahantre hany ka tsy afaka mitory ny Filazantsara intsony mihitsy aza izy. Tsy afaka manana afa-*tsy* roapolo minitra ny pasitera, ary tsy maintsy miresaka mikasika zavatra hafa izy amin’izay fotoana izay. Hitanareo? Raha tsy miresaka izy ireo, dia hihaona aminy ilay komitin’ny diakona. Eny, tompoko.

<sup>72</sup> Oh, rahalahy, inona no tokony hataon’ny pasitera tsara iray amin’izao andro izao? Manao ny tsara indrindra izay vitany fotsiny mba hijoro ary handrantsana an’ireo rantsana eo amin’izay tiany handrantsanana, ka mamela an’ireo silan-kazo hilatsaka any amin’izay tiany hilatsahana; ary manifika an’izany eo. Izay ihany. Eny, tompoko. Marina izany. Aza—aza mamela na iza na iza, torio fotsiny ny Teny ary mijanònà tsara amin’Izany, manohiza mively fotsiny hatrany. Raha manipy anareo any am-ponja izy ireo, dia torio any am-ponja Izany. Raha mametraka anareo any an-kafa any ho any izy ireo, dia mitoria na aiza na aiza alehanareo; manohiza mandeha fotsiny, mitory. Marina izany. Ankehitriny, izany no nitranga. Hitanareo, semporin’izy ireo izany.

<sup>73</sup> Ankehitriny isika dia tonga eo amin’ny—ny Taonan’i Smyrna. Ny andininy faha-8:

... *soraty ho amin’ny anjelin’ny fiangonan’i Smyrna;*  
*Izao zavatra izao no lazain’ny voalohany sy ny farany,*  
*izay efa maty, nefä velona;*

<sup>74</sup> Tiako ianareo hanamarika fa isaky ny mampahafantatra ny Tenany amin’ny taom-pianganana iray Izy, dia maneho zavatra mikasika ny maha-Andriamanitra Azy Izy. Izany no zavatra voalohany Ezahany hampahafantarina ny fiangonana, izany, ny maha-Andriamanitra Azy izany. Andriamanitra Izy! Hitanareo ve ilay adi-hevitra lehibe tetra izay nifamalian’i Irenée sy izy ireo? Niegaza izy ireo ny hilaza fa ilay Andriamanitra tao anatin’ireo kosmika telo, ary izany dia Andriamanitra iray tao anatin’ny olona telo, sy Andriamanitra tao anatin’ity. Hoy izy hoe, “Tsy misy ny zavatra tahaka an’izany! Titran’ny Vatana anankiray izany, ary izany dia ilay Andriamanitra Tsitoha.” Marina izany. Noho izany ianareo dia tsy...efa nanana an’izany foana izy ireo. Ary Andriamanitra eto amin’ny voalohany eto dia mampahafantatra ny Tenany ho iray amin’Ny—an’ny maha-Andriamanitra Azy. Hitanareo fa mampahafantatra ny Tenany Izy, aloha eto hoe, “Izaho no Izy izay nisy, izay misy, ary ho avy. Ary Izaho no Tsitoha.” Manomboka amin’ny Taonan’i Smyrna Izy eto ankehitriny.

<sup>75</sup> Henoy Izy ankehitriny, “Izaho...”

*... ho amin'ny anjelin'ny Fiangonan'i Smyrna . . . (Ary mino isika fa i Irenée izany.) . . . soraty; Izao zavatra izao no lazain'ny voalohany sy ny farany, . . .*

Hitanareo? Nampahafantatra ny Tenany hoe, “Izaho no Andriamanitra, ankehitriny, an’ity taom-piangonana ity. Tsy mila andriamanitra efatra na dimy samihafa Aho manodidina eto. Izaho—Izaho no Andriamanitra. Hitanareo, izay ilay izy.”

*. . . izay efa maty, nefá velona; (Amena!)*

<sup>76</sup> Ankehitriny, izany ilay-ilay fampahafantarana. Ankehitriny—ankehitriny *Smyrna* dia midika hoe “fangidiana,” ary izany dia avy amin’ny teny hoe miora—miora. Ary ilay-ilay fiangonana voalohany—ilay fiangonana voalohany, sy . . . dia nahavery ny fitiavany voalohany, ny fiangonan'i Efesosy. Ary nanomboka nanana “fakan’ny fangidiana” ity fiangonana ity nitombo tao amin’izy ireo satria ity fiangonana ity, ilay fiangonana lehibe, ilay ampahany goavana (ny ankamaroan’izy ireo, isan’andro) dia namely nanohitra ny Fanahy Masina hanapaka ao amin’ny fiangonana, fa izy ireo no nila nanapaka, samirery. Nila nametraka asam-pisoronana iray izy ireo, nila nihetsika tahaka ny nihetsehan’ireo olon’ny Testamenta Taloha izy ireo. Nila mpisorona izy ireo. Ary izy ireo . . . Raha ireo andriamanitra mpanompo sampy, tany, izay niovàny fo, dia nanana mpisorona sy ny sisa izy ireo an’ny . . . i Jupiter, sy ireo mpisoron'i Venus, sy ny sisa; izy ireo—izy ireo—mila mitondra an’ilay zavatra iray ihany ho azy ireo izy ireo mba hanao an’ireo lehilahy ireo. Hitanareo, ilay zavatra manontolo dia fanompoantsampy eo am-panombohana. Ireo mpanompo sampy rehetra dia manana an’ireo mpisorona ireo sy ireo zavatra tahaka an’izany. Fa—fa ilay Fiangonan’Andriamanitra velona, dia vahiny amin’izy ireo izany. Kristy no Mpisorona antsika, ny Mpisoronabe antsika. Manana Mpisoronabe iray isika, latabatra iray izay ihinanantsika ihany koa.

<sup>77</sup> Ankehitriny, ity fiangonana ity dia nanomboka nampaniry “fakan’ny fangidiana iray.” Nahoana? Nangidy nanohitra an’ireo izay te-hanohy niaraka tamin’ny Fanahy Masina izany. Nihena ilay fitiavana, ka niezaka nanakalo an’izany tamin’ireo fanekem-pinoana sy anaram-piangonana izy ireo, nanalavitra ny fitarihan’ny Fanahy Masina. Eritrereto izany! Izany no anton’ilay—ilay—ilay fangidiana izay tao amin’izy ireo. Eny àry.

<sup>78</sup> Ankehitriny, ilay fiangonana voalohany, ity . . . nanomboka nandadilady niditra ilay fangidiana. Ilay fiangonana faharoa, nisy kely amboniny. Ary, farany, dia nandadilady niditra avy hatrany izany satria izy ireo dia “nanao fiangonana iray tsaratsara kokoa”; nihevitra izy ireo fa izany izy ireo. Teo mihitsy no nananan’izy ireo zavatra nanan-daza, afaka niditra ilay vahoaka Romana malaza. Nahoana? Nanana papa iray izy ireo, izy ireo nanana—nanana lehilahy malaza izy ireo, kardinaly, sy

ny sisa. Niakanjo tsara izy ireo. Niala lavitra an'ireo tabataba rehetra izy ireo sy ny zavatra rehetra izay nananany; tena nangina. Naneho fa teo am-pahafatesana izy ireo. Ah-hah. Ah-hah. Teo am-pahafatesana izy ireo. Ary noho izany dia lasa nanan-daza izy ireo ka nanao vatana iray tsaratsara kokoa. Ny zavatra voalohany teo, dia nanana an'ilay zavatra manontolo izy ireo tao anatin'ny anaram-piagonana ara-pivavahana goavana iray, ilay fiagonana Romana Maneran-tany, ilay Fiagonana Katolika Romana tao amin'ny Taona Maizina. Eny, noho izany, dia nanana manan-daza izy ireo, ary nanana kilasy.

<sup>79</sup> Oh, izany no tsara tarehy kokoa noho ny tamin'ny nitsanganan'izy ireo teny an-dàlambe fahiny, “ary tsy maintsy nandeha tao anatin'ny hoditr'ondry sy hoditr'osy, sy lao, sy notsofaina nisaraka, sy—sy nihomehezana, sy noesoina,” ary araka ny nolazain'i Paoly ao amin'ny Hebreo ny toko faha-11.

<sup>80</sup> Nahoana, ity fiagonana malaza, goavana, tsara akanjo ity, miaraka amin'ny atin'akanjo, ary—ary io karazan-javatra hafa rehetra izay anaovan'izy ireo tahaka an'izany io. Azo antoka, toa nanan-daza izany, “Mopera, Reverà, Dokotera, Mopera *Ranona-sy-ranona*.” Oh, oadray! Afaka nitafy tena “alika,” iray izy ireo eo.

<sup>81</sup> Saingy, hitanareo, zavatra iray mifangaro izany. Mifangaro! Hitanareo, tsy nanana Aina mihitsy izany tao anatiny. Ary tsy afaka miverina intsony izy ireo, izany no antony tsy itsanganan'izy ireo intsony. Tsy nitsangana mihitsy intsony indray ny fifohazana Loterana. Tsy nitsangana mihitsy intsony indray ny fifohazana'ni Wesley. Tsy nitsangana indray ny fifohazana Nazareana. Tsy hitsangana indray koa ny fifohazana Pentekotista. Nahoana? Satria novonoinareo izany. Afangaronareo amin'izao tontolo izao izany, amin'ny hevitra Nikolaita, tsy mamela ny Fanahy Masina banana ny Fanaony. Marina izany. Manafangaro an'ilay fiagonana ianareo, ka tsy afaka miverina mamokatra ny tenany indray izy. Rehefa mamokatra indray ianareo, dia mahazo Metodista amboniny; raha mamokatra indray ny Batitsa, dia mahazo Batista amboniny; raha mamokatra indray ny Katolika, dia mamokatra Katolika amboniny; mahazo an'ilay zavatra iray ihany izay voasanareo avy ao amin'ilay salohy. Fa mamele ahy hiteny zavatra aminareo; rehefa miverina ny Fanahy Masina, dia mitondra fahaterahana *vaovao* sy Aina *vaovao* Izy; fiovàmpo. Batisan'ny Fanahy; mitondra an'ilay Fiagonana miverina amin'ny tenany indray, mametraka Aina hiverina ao anatiny.

<sup>82</sup> Tsy manana aina ao anatiny ny katsaka mifangaro. Ilay aina izay misy, dia saiky maty mihitsy. Ankehitriny, manana an'izany isika ao amin'io Taona Maizina eo io hoe, “Izay kely anananao, dia tano izany,” hoy Izy. Nogejain'izy ireo izany rehetra izany. Ankehitriny, saingy tsy hamokatra ny tenany indray izany. Ankehitriny, ilay . . .

<sup>83</sup> Fa ny Vatan'i Jesosy Kristy dia tsy—dia tsy rafipandaminana iray. Ny Vatan'i Jesosy Kristy dia Vatana mahagaga iray, izany dia Vatana iray an'ny...ao amin'ny Fanjakana iray izay Fanjakana ara-panahy voapetraka eto ambonin'ny tany amin'ny alàlan'i Jesosy Kristy izay Mpanjakan'io Fanjakana io, ilay Mpisoronabe mba hanolotra an'ireo fanatitra ho an'ny dia ao amin'io Fanjakana io. Mpaminany iray Izzy (ny Teny) izay mitory ny Fahamarinana sy mitondra ny Hazavan'Andriamanitra ao amin'io Fanjakana io; ary Izzy dia Mpaminany, Mpisorona, ary Mpanjaka, ao amin'io Fanjakana io. Ary ahoana no idirantsika ao amin'io Fanjakana io? amin'ny alàlan'ny anaram-piangonana ve? amin'ny alàlan'ny taratasy ve? amin'ny alàlan'ny fandraisan-tànana ve? Fa “tamin’ny Fanahy iray no nanaovana batisa antsika rehetra tao amin’ny Vatana iray” dia ilay Vatana mahagaga an’i Jesosy Kristy, ary natao batisa tao isika, tsy tamin’ny alàlan’ny rano, tsy tamin’ny alàlan’ny famafazana, tsy tamin’ny alàlan’ny fandrarahana, tsy tamin’ny alàlan’ny karazana batisan’ny rano iray, fa “tamin’ny Fanahy iray, Fanahy Masina, no nanaovana batisa antsika rehetra tao amin’ny Vatana iray,” Korintiana Voalohany 12. Eny, natao batisa tao amin’io Vatana io tamin’ny Fanahy iray isika, Fanahy Masina, amin’izay fotoana izay dia tsy mikambana amin’ny inona na inona afa-tsy Kristy isika. An’i Kristy ianareo. Izany dia Fanjakan’Andriamanitra mahagaga izay voaorina, mba hidirantsika ao anatin’Izany amin’ny alàlan’ny batisan’ny Fanahy Masina. Tiako Izany! Hmm!

Misy olona saiky hatraiza hatraiza,  
 Izay miredareda tanteraka ny fony  
 Amin’ny afo izay nilatsaka tamin’ny Pentekosta,  
 Izay nanadio ka nanao azy ireo hadio;  
 Oh, mirehitra ao anatin’ny foko izany ankehitriny,  
 Oh, voninahitra ho an’Ny Anarany!  
 Tena faly aho fa afaka milaza hoe isan’izy ireo aho.

Isan’izy ireo aho, isan’izy ireo aho,  
 Tena faly aho fa afaka milaza hoe isan’izy ireo aho,  
 Haleloia!  
 Isan’izy ireo, isan’izy ireo aho,  
 Ankehitriny aho dia tena faly fa afaka milaza hoe  
 isan’izy ireo aho.

Na dia mety tsy nianatra aza ireo olona ireo  
 mba ho, (D.D.D. Ph.D. Hitanareo.)...mety tsy  
 nianatra mba ho,  
 Na mihambo amin’ny lazan’izao tontolo izao,  
 Dia nahazo ny Pentekostany izy rehetra,  
 Natao batisa tamin’ny Anaran’i Jesosy;  
 Ary miteny izy ireo ankehitriny, hatraiza hatraiza,

Fa mbola tsy miova ny Heriny,  
Tena faly aho fa afaka milaza hoe isan'izy ireo aho.

Tsy faly ve ianareo? Eny, tompoko. Isan'izy ireo fotsiny. Izay ihany.

<sup>84</sup> Tsaroako aho nandeha nanerana an'i Memphis, ilay ramatoa kely, mainty hoditra antitra niaraka tamin'ny lohany niankina tany. Hoy izy hoe, "Manao ahoana, pasitera."

Hoy aho hoe, "Ahoana no nahafantaranao fa pasitera iray aho?"

Hoy izy hoe, "Ny Tompo no niteny tamiko hoe, 'Handalo eo amin'ny lâlambe ny Pasiterany, manao satroka volontany, mitondra valizy iray.'" Hoy izy, "Fantattro fa ianao no izy rehefa nahita anao tonga aho." Hitanareo? Oh, isan'izy ireo izy. Marina izany! Oh, tsara toy ny ahoana Andriamanitra!

<sup>85</sup> Ankehitriny dia mino aho fa misy zavatra iray... [Mamaky naoty iray nomena azy Rahalahy Branham—Mpand.] "Ilay zazavavy kely izay nivavahanao tamin'ny—tamin'ny, Alahady hariva, avy any Bedford, dia toa hoe vao maty. Izany dia tsy mety... Azafady mivavaha." Zazavavy kely iray izay isika... nivavaka ho azy izy ireo teto tamin'ny Alahady hariva, avy any Bedford, "dia—dia vao maty," hoy izy ireo. Ndaio isika hivavaka:

<sup>86</sup> Tompo Jesosy, mivavaka aho mba na manao ahoana na manao ahoana, amin'ny fomba iray, Tompo, aoka ny vavakay ho tonga any amin'io ankizy io. Mametraka an'ilay zavatra kely eo Aminao izahay, Andriamanitra Rainay. Ary mieritreritra an'ireo olona ireo izay teto izahay ka nivavaka sy nangata-bavaka ho an'io zazavavy kely io. O Andriamanitra Ray, mangataka aho mba—mba tsy ho tahaka an'izany ity tatitra ity, Ray; tsy mahafantatra izahay, fa mivavaka aho mba Hamindranao fo sy hanome tanjaka ka hamela an'ilay zavatra kely hitsangana sy ho velona ho an'ny voninahitry Andriamanitra. Amin'ny Anaran'i Jesosy Kristy no angatahanay an'izany. Amena. Enga anie ny Tompo Jesosy hanampy ny Fitahiany.

<sup>87</sup> Ankehitriny, ny fiangonana. Ankehitriny, ny anaran'ilay fiangonana dia mifandraika amin'ny natioran'ny toetrary. Efa voamarikareo ve fa ny *Smyrna* dia midika hoe "mangidy"? Ary mariho fa ny tsirairay avy amin'ny fiangonana ankehitriny, ny anaran'ilay fiangonana dia misy idirany amin'ny toetran'ilay fiangonana. Afaka milaza zavatra iray aho eto; saingy tsaratsara kokoa ho ahy ny tsy milaza, satria mety handiso ahy ianareo. Hitanareo?

<sup>88</sup> Ny anaranareo dia misy idirany, ihany koa. Mety tsy fantatrareo izany, saingy misy idirany izany. Oh, eny. Hoy ianareo ankehitriny hoe, "Fanisana izany." Tsia, tsy izany ilay izy. Rehefa teraka i Jakoba dia niantso azy hoe *Jakoba* izy ireo izany hoe "mpamingana;" fa rehefa nitolona tamin'ilay Anjely izy, dia nanova ny anarany Andriamanitra ho *Isiraelly*,

“andriana iray.” Marina ve izany? Saoly dia “Saoly avy any Tarsisy,” lehilahy iray masiaka; fa, rehefa nanatona an'i Jesosy izy, dia nantsoina hoe “Paoly.” Ny anaran'i Simona dia “Simona”; fa rehefa nanatona an'i Jesosy izy, dia nantsoina hoe *Petera*, “vato kely iray.” Oh, eny, tompoko. Ny... Ny anaranareo dia mifandraika amin'izay maha-izy anareo... Manana fiantraikany iray eo amin'ny toetranareo izany.

<sup>89</sup> Ary ity fiangonana ity dia nantsoina hoe Smyrna satria teo am-pahafatesana izy. *Smyrna* dia midika hoe “fangidiana.” Amin’ny teny hafa, dia tonga ny fakan’ny fangidiana iray ka nanakenda azy, teo amin’ny lâlany nankany amin’ny miora izany. Amin’izany no anosoran’izy ireo an’ireo vatana, miora, hitanareo. Miora izany, zava-manitra, ho fanosorana iray. Ny miora dia ampiasaina mba–mba hanosorana an’ireo vatana maty rehefa avy manosotra azy ireny izy ireo, sy ny sisa. Mifandraika amin’ny fahafatesana, ary teo am-pahafatesana ilay fiangonana.

<sup>90</sup> Ary, oh, tsy mety hitanareo ve, amin’izao andro izao, ry sakaiza, ilay hetsika Pentekotista izay nanana Aina taona vitsy lasa izay, tsy mety hitanareo ve fa voahosotra miora izy ankehitriny? Hitanareo? Ilay fanosorana iray ihany izay tao amin’ity fiangonana *eto* ity dia nidina avy hatrany ka nanosotra an’ity anankiray *eto* ity; teo am-pahafatesana satria miverina mankany amin’ireo vorodamba ara-pivavahana izy ireo, ary nanala ny akanjony fotosy, masina. Ilay vahoaka kely izay nitsangana tany, sy ny Fanahy Masina tena izy, dia niteny tamin’ny fiteny tsy fantatra, ary naneho an’Andriamanitra. Ary, rahalahy, tena nahitsy fo izy ireo ary, “tena izy tanteraka tokoa.” Izy ireo—tena izy marina tokoa izy ireo, afaka natoky azy ireo ianareo na taiza na taiza. Ankehitriny dia tsy fantatrareo hoe inona no hatokisana ary iza no hatokisana. Hitanareo? Nisy zavatra nitranga. Nisy zavatra nitranga. Inona izany? Voahosotra miora izy ireo, an’ny fangidiana. Manangana. Anankiray...

<sup>91</sup> Inona no nahatonga an’izany? Tonga ny anankiray, nisy ny—ny fiangonana iray nantsoina hoe, ilay voalohany, dia Fiombonambe Lehibe. Avy eo izy ireo dia niantso an’izany hoe Assemblées de Dieu. Avy tamin’ny Assemblées de Dieu no tonga ny Fianganan’Andriamanitra. Avy amin’ny Fianganan’Andriamanitra, tamin’izay fotoana izay izy ireo dia nanomboka njery, nanao hoe, “Assemblées ianareo.” Hoy ilay hafa hoe, “Fianganan’Andriamanitra ianareo.” Avy eo avy tamin’izany dia tonga ny Fianganan’Andriamanitra Pentekotista Miray, teo amin’ny olana iray. Ary avy eo, ny zavatra voalohany fantatrareo, raha tokony hanaiky ny Hazavana ka mandeha ao amin’Izany, nahoana, dia nandrafitra ny tenany izy ireo hany ka tsy afaka nanaiky ny Hazavana.

<sup>92</sup> Ankehitriny, rehefa ny—ny batisa amin’ny Anaran’i “Jesosy Kristy” no nentina raha tokony an’ny “Ray, Žanaka, ary Fanahy Masina” teo amin’ny Assemblées de Dieu, dia efa nampifikitra ny tenany izy ireo hany ka tsy afaka nanova an’izany. Ary fantatr’izy ireo fa Izany no Fahamarinana! Mihaika ny iray amin’izy ireo aho mba haneho fa tsy marina Izany amin’ny alàlan’ny Baiboly. Izany marina tokoa no Fahamarinana. Fa inona no azon’izy ireo hatao? Tsy afaka manao an’izany izy ireo. Hitanareo, hanimba ny fanekem-pinoany izy ireo, tsy afaka izy ireo.

<sup>93</sup> Avy eo dia inona no nataon’ny an’ny Tokana? Raha tokony nanaiky an’Izany ka nandroso, dia lasa nadity izy ireo: “Isaorana mandrakizay Andriamanitra! Manana an’ilay Hazavana izahay, fa ianareo tsy manana. Izahay no . . .” Inona no nataon’izy ireo? Nandrafitra an’izany izy ireo. Tsy afaka mandrafitra an’Andriamanitra ianareo. Tsy manana fomba akory aza Andriamanitra, hoy ny Baiboly. Tsia, tsy misy na inona na inona ara-pomba mikasika an’Andriamanitra.

<sup>94</sup> Ankehitriny, avy eo ny Assemblées dia niezaka nandrafitra Azy ka nanao azy ireo . . . ny . . . azy ho ilay-ilay-ilay tena Fianganana. Ary avy eo dia tonga ny an’ny Tokana, niezaka nandrafitra ny azy, ka izy ireo “dia nanana Hazavana amboniny.” Noho izany dia inona no nataon’izy ireo? Notsofin’izy ireo ho faty tamin’ny alàlan’ny fitiavan-tenany manokana izany, fanao mangidy izay nandehanan’izy ireo mikasika an’izany. Raha tokony hizara an’izany miaraka amin’ny sira sy hamamiana, dia niezaka nandrava ny fiombonana tamin’ilay iray hafa izy ireo, tsy nisy nidirany taminy. Ary izany no nataon’ilay izy. Nitohy izany, avy eo. Ny zavatra voalohany fantatrareo, tonga ny iray hafa, izy ireo dia nanana an’ity, ary nisaraka izy ireo ankehitriny. Hoy ny iray hoe, “Ho tonga eo ambonin’ny soavalys fotsy iray Izy.” Hoy ilay iray hafa hoe, “Ho tonga eo ambonin’ny rahona fotsy iray izy. Isaorana Andriamanitra, hanomboka rafi-pandaminana iray ho ahy aho eto.” Hitanareo ve ny fomba atao’izy ireo? Manaparitaka miora izany—miora. Inona no nataon’izany? Nanakatona ny firahalahiana izany.

<sup>95</sup> Vehivavy maro, lehilahy, izao hariva izao, ao amin’ny Assemblées de Dieu, no te-ho tonga ka hatao batisa amin’ny Anaran’i Jesosy Kristy, mahafantatra fa Izany no Fahamarinan’Andriamanitra. Ho voaroaka izy ireo raha nanao an’izany.

<sup>96</sup> Ary an’ny Tokana maro an’ny . . . Ankehitriny, tsy an’ny Tokana aho. Tsy mino ny an’ny “tokana” amin’ny fomba izay atao’izy ireo aho. Tsy mino an’i Jesosy tahaka ny hilazan’izy ireo aho hoe, “Jesosy”; misy Jesosy betsaka. Ilay izy dia Jesosy Kristy Tompo. Marina izany. Ankehitriny, ary izaho dia tsy . . . Hafa amin’izay atao’izy ireo no inoako. Manao batisa amin’ny

anaran'i Jesosy izy ireo, amin'ny anaran'i Jesosy ho an'ny fahaterahana indray, hoe "Ny vita batisa (fahaterahana indray) dia mitondra an'i Kristy eo aminareo nohon'ny batisan'ny rano." Tsy mino an'izany aho. Mino aho fa ny fahaterahana indray dia tonga amin'ny alàlan'ny Ràn'i Jesosy Kristy amin'ny alàlan'ny Fanahy Masina. Marina izany. Ny batisa dia hetsika ivelany an'ilay asan'ny fahaterahana indray ao anaty izay efa vita. Hitanareo? Noho izany, dia tsy mifanaraka amin'izany aho. Mety tsara izany, saingy rahalahiko izy rehetra.

<sup>97</sup> Rehefa nanomboka voalohany ho mpitory teny Batista iray aho, dia tonga izy ireo nanao hoe, "Rahalahy Branham, tongava eto ianao, izahay—izahay—manana Azy izahay ka nitondra Azy etc."

<sup>98</sup> Hoy aho hoe, "Na ny anankiray aminareo aza, mitsangana eo anelanelan'ireo vondrona anankiroa ireo mihitsy aho ka manao hoe, 'Mpirahalahy isika!'" Tsy ahoako na inona, tsy ahoako raha tsy mifanaraka ny olona iray, tsy manao pentina iray an'ny fahasamihafana izany amiko, mbola rahalahiko foana izy.

<sup>99</sup> Manana rahalahy iray izay tia tarta paoma aho; ny serizy no tiako indrindra, saingy tsy handrava ny fiombonana aminy aho. Afaka mihinana ny tarta paomany izy ary izaho mihinana ny tarta seriziko. Ary mametrakta *ivin-janak'omby* eo amin'ny tampon'ny ahy aho, raha tsy tiany izany, nahoana, dia afaka manao an'izany izy. Fantatrareo fa...Inona izany? Karazan-javatra kapohina izay apetrak'izy ireo eo ambonin'izany, fantatrareo, "hero-dronono kapohina." Tiako izany. Miabantitra loatra aho ankehitriny mba hihinana an'izany, saingy izany dia ny...Fa izaho—izaho—izaho...Izany no tiako. Raha tsy tiany izany, dia tsy voatery hihinana an'izany izy. Mety tsara izany, hohaniko ny ahy. Saingy mbola rahalahiko foana izy! Marina izany.

<sup>100</sup> Ary noho izany aho—tiako izany, tiako ny fiombonana. Fa rehefa manangana fefy tahaka an'izao isika, ka manao hoe, "Tsia, ity *no anaram-piangonanay*," ka tsy hanatsotra tànana ary handray tànana an'ilay lehilahy manaraka, ka manao hoe, "Isaorana Andriamanitra, rahalahy!" Oadray! Izany no antsoinareo hoe fiombonana. Raha tsy manao ianareo, dia manana an'io fakan'ny fangidiana tahaka ny nananan'ireo Smyrniana tany aorianana tany io ianareo, ary nahatonga an'ilay zavatra iray ihany. Eny àry, noho izany ny anaran'izy ireo dia "mangidy."

<sup>101</sup> Nanohy nanempotra azy ireo ny Nikolaita hatrany amin'ireo Taona Maizina. Ny taonan'i Luther no nitondra ny dingana voalohany an'ny fahasoavana, nanomboka namiratra ny Hazavana kely iray. Avy eo dia tonga taorian'izany, tonga i John Wesley niaraka tamin'ny fanamasinana, nitombo namiratra kelikely kokoa. Ary avy eo dia tonga ny batisan'ny Fanahy

Masina niaraka tamin'ireo Pentekotista, namerina indray ny finoan'ireo ray. Saingy tsy afaka nihazona an'izany tahaka an'izany izy ireo, noho izany dia tsy maintsy nandrafitra an'izany izy ireo, ary tamin'izay fotoana izay dia nanomboka niverina avy hatrany tao amin'ny Nikolaita indray izy ireo. Izany marina tokoa no nolazain'ny Baiboly fa hataon'izy ireo.

<sup>102</sup> Ankehitriny, tsy maintsy mitandrina aho eto fa raha tsy izany dia hanao an'ilay izy...haka fotoana be loatra. Ndao isika handeha eo amin'ny andininy faha-2, na ny...izany dia ny 8, andininy faha-9. Eny àry, ankehitriny ilay fanenjehana, ny andininy faha-9:

*Fantatro ny asanao, ny fahorianao,...fahantranao,  
(fa manan-karena ianao)...(Oh, oadray!)...Izaho...*

(Ankehitriny dia miresaka amin'ilay Fiagonana Izy ankehitriny, ilay tena Fiagonana, fa tsy ireo hafa; nankahala an'ireo asan'ny Nikolaita izy ireo.) ...

*Fantatro ny fitenenan-dratsin'ireo izay milaza fa Jiosy,  
nefa tsy izy, fa izy ireo dia synagogan'i Satana.*

<sup>103</sup> Ankehitriny, nitaraina izy ireo. Tratran'ny fahantrana izy ireo. Ny...Nalain'izy ireo izay rehetra nananany. Nanorina fiagonana kely tahaka an'ity izy ireo, satria tena vondrona iray kely bitika izy ireo, natosik'izy ireo hivoaka izy ireo, ilay fiagonana goavana no nanosika, nanempotra azy ireo tanteraka mihitsy. Ary Izao no voalaza hoe, "Fantattro. Fantattro fa tsy maintsy hivory eo amin'ny zoron-dàlana ianareo, hivory eo amin'ny lâlankely, na any an-kafa any ho any izay ahafahanareo." (Ary efa tany amin'ireo hadim-pasana izay tsy maintsy nivoran'izy ireo aho; nidina tao ambanin'ny tany ary nivory, sy ireo zavatra tany.) "Fantattro ny fahorianao, ary Fantattro ny olanao, sy ny sisa tahaka an'izany, saingy lasa nanan-karena ianao tamin'ny alàlan'ireo fahorianao ireo." Oh, oadray! Teneno amiko fa isaky ny tonga eo amin'ilay Fiagonana ny fanenjehana iray, dia manatanjaka Azy izany. Manatanjaka an'ilay Fiagonana izany isan'andro, ao anatin'ny fahorian. "Fantattro ny fahorianao, saingy manan-karena ianao." Nahoana? "Nifikitra Tamiko ianao; manan-karena ianao. Fa tsy mandratra anao ny fahorianao."

<sup>104</sup> Ankehitriny, ny...Efa voamarikareo ve? Nanao synagogga iray ho an'ny tenany ny Nikolaita ankehitriny. Ny Baiboly no niteny an'izany eto. Efa voamarikareo ve izany eto amin'ny andininy faha-9?

*Eo...nefa...tsy izy, fa synagogan'i Satana.*

<sup>105</sup> Ah-hah, natosika hivoaka ilay Fiagonana marina. Ny Nikolaita no nifehy, ary ny...natosik'izy ireo hivoaka ny olona izay nanana ny Fanahy Masina, koa noho izany izy ireo—tsy nisy nilàny azy ireo. Raha Smyrna, tany Azia, no mba nahafantatra fotsiny fa ireo zavatra...fa niandry azy ireo

ny satroboninahitry ny maritiora, dia ho nihetsika izy ireo. Hitanareo? Ankehitriny, amin'ny teny hafa, inona...rehefa voasoratra ity faminaniana ity ary nalefa, ka nihazona an'izany ilay fiangonana, ary hitan'izy ireo fa izy ireo no hany hitondra an'ilay satroboninahitry ny maritiora, nahoana, izy ireo dia ho...nahoana, ho nampahatahotra azy ireo mafy izany. Niandry an'izany tamin'ny fotoana rehetra izy ireo. Tsy tonga tao amin'ny taonan'izy ireo izany. Noho izany dia hoy angamba ny sasany tamin'izy ireo hoe, "Eny, fantatrareo—fantatrareo, teneniko aminareo, fa diso io mpaminany io. Diso i Jaona, izy—izy... satria tsy nitranga tamintsika teto Smyrna izany." Nahoana, izany dia tsy maintsy an-jatony taona taty aoriana. Hitanareo? Fa rehefa miteny zavatra iray Andriamanitra, dia tsy maintsy miseho izany.

<sup>106</sup> Eo no andentehantsika ny finoantsika, eo amin'ny Tenin'Andriamanitra mihitsy. Mihazona ny teny fikasana rehetra Andriamanitra. Tsy mampaninona...Mety mihevitra ianareo fa tsy maintsy hitranga eto mihitsy ilay izy, saingy angamba tsy fotoan'Andriamanitra hitrangany ilay izy. "Fa Ny Teniko dia tsy hiverina foana Amiko, fa hanatanteraka an'izay nikasana Azy Izy." Hanaja Ny Teniny foana Andriamanitra, ary hijinja amin'ny Fotoany tsara Manokana Izany.

<sup>107</sup> Noho izany dia ireo olona ireo no hany, ilay fiangonana voalohany, saingy tao anatin'io fiangonana io dia nisy an'ilay toetra izay hiseho ao amin'ny fiangonan'i Smyrna taty aoriana. Ankehitriny, noho izany dia tsy maintsy nitondra satroboninahitry ny maritiora iray izy ireo, maro tamin'izy ireo no tsy maintsy novonoina.

<sup>108</sup> Ankehitriny dia ndao raisintsika ny—ny andininny faha-10, raha mamaky an'ity isika:

*Aza matahotra ny iray amin'ireo zavatra (ilay synagogan'i Satana) izay efa hiaretanao: indro, ny devoly dia hanipy...anareo ao an-tranomaizina, mba ho voazaha toetra ianareo; ary ianao dia hanam-pahoriania folo andro: aoka ho mahatoky hatramin'ny fahafatesana ianao, dia homeko anao ny satroboninahitra fiainana.*

<sup>109</sup> Oh, oadray! Nilazana izy ireo mba tsy hatahotra rehefa nantsoina mba ho faty nohon'ny—ny fivavahan'izy ireo. Ankehitriny, Ranabavy Wood, na aiza na aiza misy anao, dia manantena aho fa manampy anao ity. Niteny tamiko Ranabavy Wood, indray andro, fa saiky tsy nety azony hoe nahoana ny sasany no azo nahafahana nefo ireo hafa tsy azo. Matetika ianareo dia tokony hahafantatra...Niteny tamin'ireto olona ireto Andriamanitra hoe, "Ankehitriny, aza matahotra mikasika an'izany, satria hanipy anareo ao anatin'y ao i Satana, satria izany io andiana Nikolaita izay tonga sy hanosika anareo hiditra

io, satria hamela anareo ho faty nohon'ny Antoko Aho. Fa hanome anareo satroboninahitry ny Fiainana iray Aho amin'io andro io." Noho izany dia aza . . .

<sup>110</sup> Diniho ankehitriny, nilaza Izy . . . Ankehitriny, raha mahamarika ianareo rehefa mamaky an'ity andininy faha-10 ity isika. Mamelà ahy hamerina hamaky Azy indray:

*Aza matahotra an'ireo zavatra izay efa hiaretanao: indro, ny devoly dia hanipy ny sasany aminareo ao an-tranomazina, mba ho voazaha toetra ianareo; ary ianareo dia hanam-pahoriana folo andro: fa aoka ianao ho mahatoky hatramin'ny . . . (Efa voamarikareo ve ilay izy fa tsy hoe hatrany amin'ny? Tsy hoe hatrany amin'ny fahafatesana, fa "hatramin'ny" fahafatesana. Azonareo ve ilay izy?) . . . aoka ho mahatoky hatramin'ny fahafatesana ianao, . . . (Hitanareo? Ary nahatoky izy ireo.)*

<sup>111</sup> Ankehitriny dia nilaza Izy hoe, Satana . . . Efa voamarikareo ve hoe iza Izy—iza no Nokilasiany ho ilay anankiray izay nanao an'izany? Ankehitriny, ity *synagogan'i* *Satana* ity dia ny "Nikolaita." Fantatsika izany. Sa tsy izany? Noho izany dia rafipandaminana iray izany, assam-pisoronana iray nitsangana izay hanao an'ireto olona ireto hiaritra, izay hanao an'ireto olona ireto hiaritra, ka tsy maintsy ho nahatoky tamin'ny Filazantsara *hatramin'ny* fahafatesana izy ireo. Efa voamarikareo ve ao amin'ny lanonam-panambadiana iray? tsy hoe *hatrany amin'ny* fahafatesana no isarahantsika, fa "hatramin'ny" fahafatesana no isarahantsika." Hitanareo? Ankehitriny, *hatramin'ny* *sy hatrany amin'ny* dia samihafa. Ankehitriny, dia tsy maintsy nahatoky tamin'i Kristy hatramin'ny fahafatesana izy ireo. "Manohiza mihitsy miaraka amin'izany hatrany amin'ny fahafatesana. Aza matahotra, satria Homeko satroboninahitry iray ianareo."

<sup>112</sup> Ankehitriny ity "folo andro" izay resahan'izy ireo eto ity, ireo folo andro. Ny andro iray ao amin'ny Baiboly dia maneho taona iray. Ary ireo *folo andro* dia ireo "folo taona" farany an'ny fanjakan'ity D-i-o-c-l-e-a-t-i-o-n ity, Diocletian. Diocletian, izany dia ilay emperora malaza izay nanjaka tamin'ny farany . . . Eny, nisy emperora maro nanjaka nandrity ny Taom-Piagonana Efesosy. Ary Néron, mino aho, no anankiray. Ary ity Diocletian eto ity no anankiray farany izay nanjaka, tamin'ireo folo taona farany, ary izy no mpanenjika lian-drà indrindra tamin'izy rehetra ireo. Niròna nankany amin'ity vondrona ity fotsiny izy ary izy ireo—nahafaty an'ireo Kristiana izy ireo, ka namono azy ireo, ary nandoro azy ireo, izy ireo—nanao ny zavatra rehetra izy ireo, ary izany ireo folo taona an'ny fanenjehana nihoson-drà indrindra. Ary ny androny sy ny fanjakany dia nanomboka tamin'ny 302 hatramin'ny 312. Izany no namarana ny Taonan'i Smyrna, niaraka tamin'ny fidiran'i Constantin. Ary tonga izy tamin'ny 312, tonga i Constantin.

Izany ireo folo andron'ny fahoriania. Ary izany dia nanomboka tamin'i Néron ary nifarana tamin'i Diocletian. Ary izany dia nanomboka tamin'i Néron, dia teo amin'ny A.D. 64 rehefa nandray ny seza fiandrianana i Néron.

<sup>113</sup> Ankehitriny, ny andininy faha-11 dia teny fikasana iray. Ankehitriny haka an'ity isika alohan'ny hamaranana mihitsy:

*Izay manan-tsofina, aoka izy hihaino izay lazain'ny Fanahy amin'ireo fiangonana; Izay maharesy dia tsy hosimban'ny fahafatesana faharoa.*

<sup>114</sup> Ankehitriny, tsy maintsy hilaza zavatra aho eto, izany dia mba... Raha mieritreritra an'izany aho, ato am-poko, ka tsy lazaiko ilay izy, amin'izay fotoana izay dia mpihatsaravelatsihy iray aho. Hitanareo? Tiako ianareo hanamarika zavatra eto ao amin'ity Soratra ity, ary heveriko fa izany no anankiray amin'ireo ankamantatra goavana indrindra ho ahy nandritry ny ela be mandra-pahitako. Ankehitriny dia ndao vakantsika tsara izany, ankehitriny. Hitanareo?

*Izay manan-tsofina . . . (Amin'ny teny hafa dia, "manana sofina hihainoana"; hitanareo, izany dia "misokatra ho an'ny Fanahy.") . . . aoka izy hihaino izay lazain'ny Fanahy amin'ireo fiangonana; . . .*

Hitanareo ankehitriny, io zavatra iray io ihany, tonga io fanenjehana sy ny zavatra rehetra io. Ny ampahany tsirairay amin'izany dia mivalona mankao amin'ny fiangonana tsirairay. Ireo *fiangonana*.

*. . . Fanahy milaza amin'ireo fiangonana; Izay maharesy . . . (Ao amin'ny fiangonana iza? An'i Efesosy? Eny. Eny àry. Smyrna? Eny, izy rehetra ireo.) . . . Izay maharesy ao amin'ireo fiangonana rehetra ireo dia tsy hosimban'ny fahafatesana faharoa.*

<sup>115</sup> Izy tao amin'ny fiangonan'i Laodikia izay maharesy inona? Maharesy ny Nikolaita, maharesy an'ireo zavatr'izao tontolo izao, maharesy an'ireo anaram-piangonana ireo, maharesy an'ireo asam-pisoronana ireo, maharesy ny zavatra rehetra avy amin'izao tontolo izao ka mahafoy, ary tia an'i Kristy. Tsy hosimban'ny fahafatesana faharoa ianareo. Nahoana? Izy dia manana Fiainana Mandrakizay. Tsy mety maty ny Fiainana Mandrakizay. Hoy Jesosy hoe, "Izay mandre avy Amiko no manana Fiainana Mandrakizay, tsy ho faty intsony. Izaho hanangana azy amin'ny andro farany."

<sup>116</sup> Ankehitriny, ankehitriny, eo... Ankehitriny, ianareo dia ho... Maro no tsy hifanaraka amin'ity, saingy tiako ianareo tena hieritreritra mafy alohan'ny handraisanareo ny fanapahankevitraiseo? Hitanareo? Hilaza zavatra iray aho ankehitriny:

<sup>117</sup> Izany no antony tsy inoako fa misy helo iray Mandrakizay. Tsy mety hisy helo iray Mandrakizay. Satria raha mba nisy

helo iray Mandrakizay, amin'izay fotoana izay dia efa nisy helo iray Mandrakizay foana, satria Mandrakizay... Endrika Fiainana Mandrakizay anankiray ihany no misy, ary izany no itolomantsika rehetra. Fa raha tsy maintsy ho may mandrakizay ianareo ary mandritry ny Mandrakizay, amin'izay fotoana izay dia tsy maintsy manana Fiainana Mandrakizay mirehitra ianareo, ary amin'izay fotoana izay dia ho Andriamanitra mirehitra izany. Tsy afaka manana helo Mandrakizay ianareo, ary milaza mazava ny Baiboly fa "ny helo dia noforonina." Ary raha noforonina izy, dia tsy Mandrakizay. Ny zavatra izay Mandrakizay dia tsy noforonina mihitsy; efa nisy foana izy, Mandrakizay izy. Ary milaza ny Baiboly fa "Ny helo dia noforonina ho an'ny devoly sy ireo anjeliny." Noforonina ny helo, tsy Mandrakizay izy. Ary tena tsy mino aho fa ho voasazy Mandrakizay ny olona iray.

<sup>118</sup> Mino aho fa milaza mazava ny Baiboly eto, hoe, "Izay maharesy dia tsy hosimban'ny fahafatesana faharaoa" Ankehitriny ny "fahafatesana." Ny teny hoe *fahafatesana* dia avy amin'ny... dia ity, dia "fisarahana." Ankehitriny, rehefa tafasaraka amin'Andriamanitra isika, amin'ny fahotana, dia efa maty isika; ny Baiboly no niteny an'izany. Nanalavitra an'Andriamanitra isika, tafasaraka isika, maty tao amin'ny fahotana sy ny heloka; vahiny iray amin'Andriamanitra isika sy amin'ny Fireneny. Ary noho izany rehefa mandray an'Andriamanitra isika ka manana Fiainana Mandrakizay, dia Zanany sy Ampahany isika.

<sup>119</sup> Ny zanakolahy kely etsy, Joseph, dia ampahako, tsy mampaninona izay izaho... hany nataony. Izy... Izaho mety... Izy mety tsy manana... Raha lehilahy iray mpanan-karena aho ka nanana lova betsaka, izy mety, mandova ny zavatra rehetra mihitsy aza izy; saingy mbola zanakalahy iray foana izy, ampahako izy. Azo antoka, ampahako izy. Ankehitriny, tsy afaka mandà azy mihoatra lavitra noho ny ahafahako mandà ny tenako aho, satria ampahako izy. Ilay fitiliana rà dia haneho fa ahy izy. Hitanareo?

<sup>120</sup> Ary ilay fitiliana Rà no maneho na an'Andriamanitra ianareo na tsia. Hitanareo? Zanak'Andriamanitra ianareo ary manana Fiainana Mandrakizay. Fa ilay fanahy izay manota, io *fanahy* io no hosarahina. Marina ve izany? Amin'izay fotoana izay dia tsy hisy intsony izy. Jereo ankehitriny. Ny zavatra rehetra izay nanana fiandohana dia manana fiafarana, satria ny zavatra rehetra izay nanana fiandohana dia famoronana iray. Fa tsy noforonina Andriamanitra, efa Andriamanitra foana Izy. Tsy misy toerana hoe noforonina Izy. Ary ny fomba tokana izay hany ahafahantsika hanana Fiainana Mandrakizay dia ny ho ampanhan'io famoronana io. Voninahitra! Oh, raha afaka mahita an'Izany isika! Hitanareo ve izay ataon'ny Fanahy Masina ho anareo? Izany no Fanahy Masina, ilay Mpamorona Izy

tenany, Andriamanitra ilay Ray ao amin'ny endrika Fanahy iray, nantsoina hoe "Fanahy Masina" satria Izany no teo ambonin'ny vatana nantsoina hoe Jesosy, Ny Zanany; fa Izzy no namorona an'i Jesosy, ilay vatana, izany no antony tsy maintsy nahafatesan'Izany. Nonina tao anatin'ionofon'olombelona io Andriamanitra, ary vaky ilay selan-drà, ka niverina ilay Aina avy tao amin'ilay selan-drà.

<sup>121</sup> Izany no antony tsy nahafahan'ilay mpivavaka fahiny ao amin'ny Testamenta Taloha handeha... lasa nandeha niaraka tamin'ilay fanamelohana iray ihany izay nananany rehefa tonga izy. Fa ao amin'ny Testamenta Vaovao, nilaza ny Hebreo, fa, "Vantany vao voadio ilay mpivavaka dia tsy manana fahatsiarovana ny fahotana intsony."

<sup>122</sup> Ankehitriny, ny Testamenta Taloha; nitondra zanak'ondry iray izy ireo, napetrany teo izany, nametraka ny tànany teo ambonin'izany, ilay mpivavaka; nandidy an'ilay tenda ny mpisorona, tsapany ilay fandehanan-drà, ary henony ilay fibarareokany. Ary maty izy, ka tsapany ny vatany kely mihinjitra, ary maty izy. Fantany fa tokony ho izy io; ilay zanak'ondry no naka ny toerany. Alain'ny mpisorona ilay rà, apetrany eo ambonin'ny alitara izany ary—ary miakatra ny setroka, ary izany no vavaky ny famelàna ho an'ilay mpi.... [Elanelana tsy voaraki-peo—Mpand.] ... ary ny ain'io biby io dia tsy afaka hiverina eo amin'ny olombelona iray ka hifanojo amin'ny fanahin'olombelona, satria fanahim-biby ilay izy. Ny aim-biby sy ny ain'olombelona, tsy afaka manao an'izany izy. Fa rehefa ny... Izany no antony nivoahany niaraka tamin'ilay faniriana iray ihany hanota, mitovy. Miditra satria nijangajanga, ka manolotra ny fanatiny, ary miverina mivoaka miaraka amin'ilay zavatra iray ihany ao an-tsainy. Marina izany.

<sup>123</sup> Fa eto rehefa ilay mpivavaka... Oh, ry Fianganan'Andriamanitra, aza diso amin'ny fahazoana an'ity! Ilay mpivavaka, vantany vao manatona marina tokoa an'ilay Zanak'Andriamanitra ka amin'ny finoana no ametrahany ny tànany eo Aminy (Oh, oadray!), mijery eo amin'ny Tavany miaraka amin'io rora mihantona eo amin'ny Tavany io, ilay Rà mikoriana midina eo amin'ny Tavany, mahatsapa an'ireo fanaintainana hoe "Ry Andriamanitro! Ry Andriamanitro! Nahoana no nahaftoy Ahy Ianao?" Oh, rahalahy, rehefa hitanareo hoe vidiny toy ny inona no maty ho anareo, ary Iza Izany, Imanoela, Andriamanitra maty eo amin'ny toeranareo.

<sup>124</sup> Amin'izay fotoana izay dia inona no mitranga? Ilay mpivavaka amin'izay fotoana izay, rehefa vaky io selan-dRà io tao amin'ilay Zanak'Andriamanitra... Inona no nanao an'io selan-drà io?

<sup>125</sup> Inona ianareo? Ianareo dia selan-drà kely iray izay avy tamin'ny rainareo. Tsy manana hemoglobin ny vavy. Ny—ny

vavy dia mamokatra ny atody fotsiny ihany; ilay fanakotrehana, izy no tsy maintsy mitondra an'ilay—ilay—ilay zaza. Fa tonga avy amin'ny lahy ny rà, izany no antony hoe—hoe mitondra ny anaran'ny ray ilay zanaka. Ary amin'izay fotoana izay, fa, ilay vehivavy izay mivady amin'ny lehilahy iray, dia mitondra ny anarany, noho ireo zanany; lasa fikotrehana iray izy ho an'ilay zanaka izay ho entiny ho an'ilay lehilahy. Fa tahaka ny nolazaiko hoe: afaka manatody atody iray ny reniakoho, saingy raha tsy efa niaraka tamin'ny vorona lahy iray izy, dia tsy ho foy izany.

<sup>126</sup> Izany dia, hoy aho, izany no antony ananantsika an'ireo fiangonana tranainy, mangatsiaka, ara-pomba maro be amin'izao andro izao. Nahazo an'io hevitra Nikolaita io izy ireo, nahazo andiana akany feno atody lò, ka tsy ho foy mihitsy izy ireo satria izy ireo tsy . . . Afaka manao ny zavatra rehetra amin'izy ireo ianareo (miantso azy ireo ho eveka, diakona, ary inona daholo), tsy hino an'ireo famantarana manaraka ny mpino mihitsy izy ireo, satria tsy niaraka tamin'ilay Vadilahy mihitsy, Jesosy Kristy. Raha mba lonaky ny herin'Andriamanitra tamin'io Vadilahy io ianareo . . .

<sup>127</sup> Rehefa vaky io selan-dRà io teo Kalvary, ka io Aina izay tao anatiny tao io, Jehovah kely . . . Oh, tokony handòna izany!

<sup>128</sup> Fantatrareo, miandry famantarana iray ny olona rehetra. Sa tsy izany? Hoy ny olona rehetra hoe, “Oh, anehoy famantarana iray aho.” Hoy ilay Jiosy hoe, “Anehoj famantarana iray aho.”

<sup>129</sup> Mamelà ahy hanome famantarana iray ho anareo. Nanome anareo famantarana iray Andriamanitra indray mandeha. Nangataka famantarana iray izy ireo. Nangataka famantarana iray ny Isiraely. Niteny tamin'ilay mpaminany Izy hoe, “Hanome azy ireo famantarana iray mandrakizay Aho: hanan-anaka ny virijiny. Hanan-anaka ny virijiny ka hiteraka Zazalahy iray.” (Amena.) “Izy dia hantsoina hoe *Imanoela*, ‘Amintsika Andriamanitra.’” Ilay famantarana lehibe indrindra izay hany nomena.

<sup>130</sup> Rehefa Andriamanitra, ilay Mpamorona ny lanitra sy ny tany, no nanao ny fihodinan’ny masoandro. Mitsangàna any amin'ny Tendrombohitra Palomar ka mijere amin'ny alàlan'ny masolavitra iray any, dia afaka mahita toerana iray roapolo amby zato tapitrisa taona hazavana ianareo. Avadiho ho maily izany, ary any ankoatran'izany dia mbola misy volana, sy kintana, ary tontolo, ary Izy no nanao azy rehetra ireo. Nitsoka azy ireo avy teo an-Tànany mihitsy, tahaka an'izao. Eny!

<sup>131</sup> Ary io Mpamorona lehibe io dia lasa Mpamonjiko. Nidina tao amin'ny selan-dRà kely iray, tsy tamin'ny alàlan'ny lehilahy iray, fa tonga ara-virijiny tao amin'ny vehivavy iray; ary naka an'io vovom-boninkazo kely io avy tamin'ny vehivavy, ka nanao trano kely iray ho an'ny Tenany ary nipetraka tao anatin'izany. Oh, izany—izany—tokony handòna izany! Jehovah! Jehovah,

teo ambonin'ny antontan-jezika iray tao an-tronom-biby, nitomany. Jehovah, tao amin'ny fihinanam-bilona iray. Izany no famantarana iray mandrakizay, ny sasany amin'ireo olona manana loha goavana! Jehovah, Andriamanitra, Zazakely iray mitomany (Haleloia!) tao amin'ny tranon'omby iray maimbo. Nefa avy eo isika dia mihevitra fa olona iray isika, mampiakatra ny oronareo; raha avy ny orana, dia hanafotra anareo izany; ary avy eo dia mandeha mihevitra fa olona iray ianareo. Nefa Jehovah dia nandry tao amin'ny tranon'omby iray, teo ambonin'ny—ny antontan-jezika, nitomany tahaka ny kely... ny zazakely rehetra. Tokony handòna izany! Famantarana iray izany. Hoy Andriamanitra hoe, "Hanome anareo famantarana iray mandrakizay Aho." Izany no tena famantarana iray. Jehovah, nilalao tahaka ny zazalahy iray. Jehovah! Jehovah, niasa tao amin'ny trano fiasana iray, nanatsofa hazo tahaka ny mpandrafitra iray. Haleloia! Oadray, oh, oadray! Jehovah, nanasa ny tongotr'ireo mpanjono. "Hanome anareo famantarana iray Aho."

<sup>132</sup> "Oh, saingy tsy maintsy manana an'ilay mpitondra fivavahana izahay, fantatrareo, miaraka amin'ireo akanjo sy tady rehetra, vozon'akanjo, ary..." Hitanareo? Oh!

<sup>133</sup> "Hanome anareo famantarana iray mandrakizay Aho." Jehovah, nitsangana tao amin'ny toeram-pitsarana niaraka tamin'ny rora teo amin'ny Tavany. Jehovah, naboridana nitanjaka, tao amin'ny vatana iray, teo anelanelan'ny lanitra sy ny tany. Notsinontsinoaviny ny henatry ny hazo fijaliana. Isika dia manana ny Sarivongany eo miaraka amin'ny vorodamba kely iray manodidina Azy; mazava ho azy fa ilay mpanao sokitra fotsiny no nanao an'izany. Naboridan'izy ireo nitanjaka Izy, nahasaikatra Azy! Oh, io andiana mpihatsaravelatsihy io rehefa ho tonga izany ora izany! Izao no andron'ny olona, ho avy ny andron'ny Tompo. Jehovah! Jehovah, teo am-pahafatesana, eny, tsy nisy na inona na inona nitranga. Jehovah, nivavaka, tsy nisy na inona na inona nitranga. Hmm. Marina izany. Tokony handòna izany! Izany no famantarana iray mandrakizay. Izany ilay famantarana tokony ho fantatry ny olona rehetra. Avy eo dia maty Izy, maty Jehovah. Tamin'izay fotoana izay dia nanomboka nihozongozona ny tany. Oh, oadray!

<sup>134</sup> Avy eo dia nitsangana avy tao am-pasana Izy ary niakatra tany amin'ny Avo. Jehovah, miverina amin'ny endrika Fanahy Masina mba ho velona ao amin'Ny Fiangonany, eo anivon'ny Olony. Voninahittra! Jehovah, mandeha manerana an'ilay fiangonana, mamantatra ny eritririty ny fisainana. Jehovah, manasitrana ny marary. Jehovah, miteny amin'ny alàlan'ireo molotra hany ka tsy mahafehy ny tenany intsony ilay olona. Jehovah, miverina amin'ny teny Anglisy ary mandika an'izany. Mila famantarana iray ve ianareo? Amena! Nanatona mpivarotena iray io Jehovah io, ary nanangana azy, teo

amin'izay nisy azy tena—tena ambany izy hany ka tsy hijery azy ireo alika, ka nanasa azy ho fotsy toy ny oram-panala sy nanome azy fo iray madio toy ny lisy. Oh, oadray! Jehovah, naka mamolava iray nandry tany teo amin'ny lèlankely ka nanerana ny vavany rehetra ireo andian-dalitra, ary nanao azy hitory ny Filazantsara . . . ? . . . Ny Ràn'i Jesosy Kristy no manadio antsika!

<sup>135</sup> Fony teto an-tany Izy, dia nandeha nankany amin'ny tanàna ambany indrindra izay nisy Izy, sy nankany amin'ny olona ambany indrindra izay nisy, ary nomen'izy ireo Azy ny anarana ambany indrindra izay nisy. Marina izany. Nitondra Azy tamin'ny ratsy indrindra izy ireo, ka niantso Azy tamin'ny anarana ratsy indrindra izay azo nantsoina hoe, "Belzeboba," devoly iray. Ny ambany indrindra izay azon'izy ireo nomena Azy, dia nomen'ny olona Azy.

<sup>136</sup> Fa nanangana Azy Andriamanitra, ka nanome Azy Seza fiandrianana iray tena avo Izy hany ka tsy maintsy njery nidina Izy mba hahita ny Lanitra. Amena! Voninahitra! Ary nanome Azy Anarana iray ambonin'ny anarana rehetra izay tononina any An-danitra sy eto an-tany, ka ny fianakaviana rehetra any An-danitra sy eto an-tany dia antsoina mitovy Aminy. Izany no niheveran'ny olona Azy; izany no niheveran'Andriamanitra Azy. O Andriamanitra, aoka ny fisainako hitovy amin'ny Anao, Ray. Eny, tompoke. O Anarana sarobidy!

<sup>137</sup> Ankehitriny, "Izay mino Ahy no manana Fiainana Mandrakizay." Ankehitriny, raha endrika Fiainana Mandrakizay anankiray ihany no misy, ka manana an'izany ianareo ary mitady an'izany amin'ny alàlan'i Jesosy Kristy isika, dia izany no Fiaiman'Andriamanitra. Noho izany rehefa vaky io selan-dRà io teo amin'ilay Zanak'Andriamanitra, ary io Jehovah kely izay nihidy tao anatin'io Lehilahy antsoina hoe Jesosy io (rehefa nonina tao Aminy ny fahafenoan'ny Maha-Andriamanitra ara-batana), ary ankehitriny rehefa manaiky an'io Rà io ho famelàna ny fahotantsika isika, io Fanahy izay tsy teo amin'ny olona iray io, fa teo amin'Andriamanitra . . . Voninahitra! Hoy ny Baiboly hoe, "Ny Ràn'Andriamanitra."

<sup>138</sup> Hoy ny olona iray hoe, "Tsarovy, Izy . . . Aza milaza na inona na inona mikasika an'ireo Jiosy, satria Jiosy iray Izy." Tsy Jiosy iray Izy. Tsy Jiosy na Jentilisa koa Izy, Andriamanitra Izy. Marina izany. Rà iray noforonina Izy. Andriamanitra no nanao an'izany ho hafa kely. Izany dia ny Azy Manokana, ary tamin'ny alàlan'io Rà noforonina io no anekentsika an'Izany ho famelàna antsika satria maty tamin'ny fahafatesana ho antsika Izy. Vaky io selan-dRà io, namotsotra an'io Fanahy Masina io mba hiverina eo amintsika, ary ankehitriny dia zanakalahy sy zanakavavin'Andriamanitra isika amin'ny alàlan'ny fahaterahana avy amin'ny Fanahy. Noho izany ilay Aina izay an'Andriamanitra, izay tsy nanana fiandohana na mba banana fiafarana iray koa, dia ahy sy anareo

nohon'ny fahasooavan'Andriamanitra ao amin'i Jesosy Kristy. Eo ianareo izao.

<sup>139</sup> Ankehitriny, “helo,” hiverina amin’izany vettivety isika. Miteny aminareo aho fa—fa tsy mety hisy... Tena mino ny helo iray mirehitra aho. Eny, tompoko, ny Baiboly no niteny an’izany, ny farify afo. Ankehitriny, saingy izany dia tsy mety ho anankiray mahari-... tsy mety ho anankiray Mandrakizay izany. Izany dia mety ho... Tsy milaza mihitsy ny Baiboly fa Mandrakizay izany, Izao no voalaza hoe helo “maharitra.” Tsy nilaza an’ilay teny hoe Mandrakizay, milaza helo iray “maharitra” izy. Ankehitriny, izany dia nomanina ho an’ny devoly sy ireo anjeliny; helo iray maharitra, fa tsy anankiray Mandrakizay. Ankehitriny, aorian’ny... Mety ampijaliana ao nohon’ny asany mandritry ny folo tapitrisa taona io fanahy io, araky ny fantattro. Tsy fantattro hoe mety ho inona ny *maharitra* eo imason'Andriamanitra. Mety mandritry ny dimy minitria izany, mety mandritry ny iray tapitrisa taona izany, mety mandritry ny folo tapitrisa taona izany, fa ho avy ny fotoana izay hitsaharan’io fanahy io tsy hisy.

<sup>140</sup> Ity no nolazain’ny Baiboly, hitanareo. Hitanareo:

...Izay maharesy dia tsy hosimban’ny fahafatesana faharoa.

<sup>141</sup> Ny fahafatesana voalohany dia ny fisarahana amin’ireo malalantsika. Mandeha ao amin’ny Fanatrehan'Andriamanitra isika, tsy mivoaka amin’Ny Fanatrehany intsony. Hitanareo? Ankehitriny, raha misy ny fahafatesana faharoa, amin’izay fotoana izay dia tsy maintsy ho ny fahafatesan’ny fanahy izany. Ary noho izany izay maharesy an’izao tontolo izao, na maharesy an’ireo zavatr’izao tontolo izao, no manana Fiainana Mandrakizay ka tsy ho voakasiky ny fahafatesana faharoa. Eo ianareo izao, Fiainana Mandrakizay. Fa ilay—ilay impanota... Hoy ny Baiboly hoe, “Ny vehivavy izay miaina amin’ny fahafinaretana dia maty na dia velona aza izy.” Marina ve izany? “Ny fanahy izay manota, dia azo antoka fa ho faty.” Inona ny *maty*? “Misaraka,” tanteraka “tsy misy intsony.” Hitanareo? Ankehitriny, notapahina izy, marina. Notapahina izy, tsy misy intsony ny aminy. Hila hafiriana izany? Handalo an’ilay dingana iray ihany izay nahatongavany izy, ary ho tonga eo amin’ny toerana iray hany ka tsy hisy na inona na inona ho tavela koa ny aminy. Hiverina fotsiny avy any amin’izay hany namoahana azy izy.

<sup>142</sup> Afaka maka an’ilay sela isika, ka mamaky an’ilay sela ho sela anankiray, ho sela iray hafa, mandra-pahatonganareo eo amin’ilay sela voalohany; mamaky ao amin’io sela io, amin’izay fotoana izay dia mahazo ny vokatra simika an’ilay rà ianareo; tonga ao amin’ireo vokatra simika samihafa an’ilay rà ianareo, ary avy eo dia tonga eo amin’ny ampahany kely iray ao anatin’io

selo io: ny aina izany. Tsy afaka mahita an'izany izy ireo. Tsy mahafantatra na inona na inona mikasika an'izany izy ireo. Ankehitriny, ho tonga eo amin'ny toerana iray io aina io amin'ny farany hany ka tsy misy intsony izy; na inona na inona vokatra simika an'io aina io, dia tsy mino aho fa manana vokatra simika iray izy. Ho ara-panahy izany.

<sup>143</sup> Ary noho izany, ao amin'io, farany dia hisaraka tanteraka izy ka tsy hisy intsony. Izany no nolazain'ny Baiboly hoe, "Ny fanahy izay manota, no ho faty." "Ary ireo izay mandresy ao amin'ireto taom-pianganana eto ireto dia tsy hosimban'ny fahafatesana *faharoa*." Ny vatana no maty aloha, ny fanahy no maty manaraka ary tsy hisy intsony izy. Hitanareo? Izany dia...mino ve ianareo fa izany no lazain'ny Baiboly?

<sup>144</sup> Tsarovy ankehitriny, raha Mandrakizay ny helo, amin'izay fotoana izay dia diso ny Baiboly rehefa nilaza izy hoe "ny helo dia noforonina." Ary noho izany raha handeha ho dorana Mandrakizay ny olona iray, ao amin'ny helo, amin'izay fotoana izay dia tsy maintsy manana Fiainana Mandrakizay izy mba hahatsiaro tena, ho dorana. Marina ve izany? Eny, endrika Fiainana Mandrakizay firy no misy? Anankiray. Marina izany. Fiainana Mandrakizay anankiray ihany.

<sup>145</sup> Ankehitriny, aza mandeha ka milaza hoe, "Tsy mino ny helo Rahalahy Branham." Tena mino ny helo Rahalahy Branham. Ny Baiboly no mampianatra fa misy ny helo. Azo antoka mihitsy tahaka ny isian'ny—ny toerana iray ho an'ny fitsaharana, no isian'ny toerana iray an'ny—an'ny fanasaziana. Ary hanao marina tokoa ny fanahy izay manota manohitra Azy ho voasazy Andriamanitra. Ary nohon'ny fandàvana an'i Jesosy Kristy ho Mpamponjinareo, dia ho voasazy marina tokoa ianareo ny amin'izany. Fa hisy fotoana iray izay tsy hisianareo intsony. Fa hila firy tapitrisa taona no hiverenanao eo amin'izany, tsy fantattro. Fa indray andro any...

<sup>146</sup> Vatana iray an'ny fotoana ianareo mandra-pahateraka anareo indray, amin'izay fotoana izay vao vatana iray Mandrakizay ianareo. Ary ny fomba tokana ahafahanareo hahazo an'Izany dia ny manana amphanan'Andriamanitra ao anatinareo, izay Fiainana Mandrakizay. Afaka mahita an'izany ve ianareo? Izany tokoa.

*Izay manan-tsofina, aoka izy hihaino izay lazain'ny  
Fanahy amin'ireo fianganana;...*

<sup>147</sup> Tiako Izy. Ary ianareo? Tena faly aho fa manana Fiainana Mandrakizay. Tsy manelingelina ahy intsony izany, satria manana Fiainana Mandrakizay isika ankehitriny. Ary fantattro izany, ary matoky aho fa hanana an'Izany ny olona rehetra, isika rehetra.

<sup>148</sup> Irenée, eny, nanana naoty iray aho teto mikasika an'i Irenée, mikasika ny hoe, "mamaky an'ity tantara ity." Izany no

antony nifidianana an'i Irenée dia satria izy no nanana an'ireo famantaran'ilay Fiangonana Pentekotista (tany am-boalohany) nanaraka azy.

<sup>149</sup> Ankehitriny, raha Andriamanitra...Firy no mino fa nanomboka tamin'ny Pentekosta ilay Fiangonana? Eny àry. Firy no mino fa nanamarina an'ilay Fiangonana Andriamanitra tamin'ny Pentekosta? Eny àry, tompoke. Noho izany raha izany no Fianganan'Andriamanitra voalohany, ary izany no Nantsoiny ho "Fiangonana," ary Izy no Voaloboka ankehitriny, isika no sampany, raha mba mamokatra sampany hafa iray ilay Voaloboka, dia ho inona izany? Pentekotista. Hia! Ankehitriny, angamba tsy ara-anarana. Ankehitriny isika dia manana an'ireo *anarana* an'ny Pentekosta, saingy tsy mihoatra noho ny hoe Metodista, Batista, Presbyterana, Pentekotista izany. Tsy midika zavatra iray izany, hitanareo, anarana iray fotsiny izany. Fa raha mbola manana ny Fahatsapana Pentekotista foana ianareo ao am-ponareo, ny Pentekosta ao anatin'ny fanahinareo, manome anareo Fiainana Mandrakizay, amin'izay fotoana izay dia nampanantena anareo Andriamanitra fa, "Tsy ho voakasiky ny fahafatesana faharoa mihitsy ianareo;" hoe, manana Fiainana Mandrakizay ianareo ary *tsy azo* kasihan'ny fahafatesana faharoa. Hitanareo? Ianareo manana...ianareo dia...

<sup>150</sup> "Aza mampalahelo ny Fanahy Masin'Andriamanitra." Ankehitriny, aza mampalahelo an'Izany (manao zavatra izay diso). Raha manao ianareo, dia handoa an'izany; satria hoy ny Baiboly hoe, "Aza mampalahelo ny Fanahy Masin'Andriamanitra izay nanisiana tombokase anareo hatramin'ny andro fanavotana anareo." Marina ve izany? "Aza mampalahelo ny Fanahy Masina."

<sup>151</sup> Oh! Ho andro mahafinaritra iray izany, maraina iray, indray andro any. Mba hanehoana aminareo fa ho manieran-tany ny fitsanganana, "Hisy roa any an-tsaha, ka ny iray Halaiko; ary roa eo am-pandriana, ka ny iray Halaiko." Hitanareo, izany dia ho alina eo amin'ny toerana iray, ary antoandro eo amin'ilay ilany hafa an'ny tany; ho fitsanganana iray manieran-tany, io Fampakarana io. Hotsofina ny trompetran'Andriamanitra, ka ny tsirairay avy amin'izy ireo, avy amin'ity fiangonana kely *eto* ity, *eto*, *eto*, ary na dia io andiany kely izay nandalo *teto* ity aza, ary tonga *eto*, *eto*, *eto*.

<sup>152</sup> Rehefa io virijiny io, io virijiny io rehefa nahita izy tao amin'ny fiambenana fahafito izay...Ankehitriny, tsarovy, nisy virijiny fito. Marina ve izany? Na, ny tiako lazaina, virijiny dimy no nivoaka...Virijiny folo no nivoaka mba hitsena ny Tompo, ny dimy dia hendry ary ny dimy dia adala. Marina ve izany? Ary ankehitriny, na tao amin'ireo fiambenana aza, dia nisy fiambenana fito. Ary tamin'ny faran'ny fiambenana fahafito (ny sasany natory nanomboka tamin'ity fiambenana ity, *ity* anankiray ity, *ity* anankiray ity, *ity* anankiray ity, ary *itsy*,

...), ny fiambenana fahafito, dia nisy feo iray nivoaka hoe, "Indro, tonga ny Mpampakatra, mivoaha ianareo hitsena Azy." Dia nitsangana izy ireo ary nanadio ny fanilony. Ary nitsangana ireto hafa ireto mandra-pahatonga *eto*. Oh, tsy ho fotoana iray mahafinaritra ve izany!

Oh, nihira hira kely iray isika fahiny hoe:

Fotoana iray mahafinaritra ho anao izany,  
 Fotoana iray mahafinaritra toy ny inona ho ahy;  
 Raha miomana hihona amin'i Jesosy  
     Mpanjakantsika isika rehetra,  
 Ho fotoana iray mahafinaritra toy ny inona izany.

Eto, ndao jerentsika raha afaka mihira an'izany isika:

Fotoana iray mahafinaritra ho anao,  
 Fotoana iray mahafinaritra ho ahy;  
 Raha miomana hihona amin'i Jesosy  
     Mpanjakantsika isika rehetra,  
 Ho fotoana iray mahafinaritra toy ny inona izany.  
 (Tsy ho mahafinaritra ve izany?)

Oh, tsy ho mahafinaritra ve izany any,  
 Tsy manana enta-mavesatra ho entina?  
 Mihira am-pifaliana amin'ny lakolosin'ny fo  
     maneno daholo,  
 Oh, tsy ho mahafinaritra ve izany any?

<sup>153</sup> Firy no mahafantatra fa ho tonga any an-trano ianareo? Firy no mahafantatra fa hivoaka an'io varavarana io ianareo? Tsy mahafantatra ianareo. Firy no mahafantatra fa raha mivoaka ianareo dia hiditra indray? Tsy afaka miteny ianareo. Noho izany dia aza avela handalo ity hariva ity; aza diso an'Andriamanitra amin'ity hariva ity, satria ity no mety ho hariva farany izay hanananareo fotoana iray na anjara iray. Iza moa ianareo, na ahoana na ahoana? Avy taiza ianareo? Ho aiza ianareo? Ny boky tokana eto amin'izao tontolo izao izay afaka miteny aminareo ny amin'izany, dia ity Baiboly tranaindy voatahy eto ity. Ary izany no Baiboly izay inoantsika, izany ilay Andriamanitra izay inoantsika.

<sup>154</sup> Ary raha tsy ao anatin'io Ampakarina io ianareo, ao anatin'io andiana vitsy an'isa kely io, *eto* androany efa nogejain'ireo fanekem-pinoana sy anaram-piangonana, sy ny sisa, raha—raha—raha tsy ao anatin'io vondrona kely io ianareo... Ankehitriny, tsy voatery hikambana amin'ity tabernakla ity ianareo, tsy voatery hikambana amin'ny inona na inona ianareo, tsy maintsy ateraka ao amin'io Fanjakana io fotsiny ianareo. Ankehitriny, raha mila ny fiombonanareo amin'ny Metodista, Batista, Presbyterana ianareo, na aiza na aiza ilanareo an'izany, dia miankina aminareo izany. Hitanareo, apetraho amin'ny olona iray izay tianareo ametrahana ny fiombonanareo. Fa hiteny zavatra iray aminareo aho: rehefa

nateraka indray ianareo, fantatrareo, “vorona mitovy volo . . .” Oadray!

<sup>155</sup> Nanontany ahy ny olona iray indray mandeha, nanao hoe, “Rahalahy Branham, niteny tamin’ireo olona ireo ianao hoe, ‘Miverena any amin’ny fiangonana Metodista.”

Hoy aho hoe, “Azo antoka. Avelao izy ireo no handroaka azy ireo, fa tsy manana toerana haleha izy ireo.” Noho izany dia ho hitantsika . . .

Mety tsara izany, miverena, tsy ho tena ela izany, hitanareo. Tsy ho tena ela izany, hiverina avy hatrany indray izy ireo.

<sup>156</sup> Fantatrareo, indray mandeha tao amin’ny . . . Noa . . . sambofiara, ilay toeran’ny fiarovana, Noa, nisy safo-drano goavana iray tonga. Ary noho izany dia namoaka an’ilay goaika tany ivelan’ny sambofiara i Noa, ary nanohy nandeha nikoraraika sy njery nanodidina fotsiny izy. Nahoana, afa-po izy, satria voltora iray izy eo am-panombohana. Afaka manidina avy eo amin’ny fatin-javatra trrainy iray izy, ary mihinana mameno kibo avy amin’io ramole io, ary avy eo dia mankeo ambonin’io—eo ambonin’io ondry trrainy io ka mihinana mameno kibo avy aminy, ary zavatra hafa, eo amin’izay misy ny karazana fatin-javatra ratsy rehetra mipetraka manodidina eo fotsiny.

<sup>157</sup> Noho izany dia hipetraka eo fotsiny ilay goaika ka hikoraraika manerana hoe, “Ry tovolahy, manana jobily iray ho ahy irery tanteraka aho!” mikoraraika eo fotsiny.

<sup>158</sup> Fa rehefa nalefan’izy ireo hivoaka ilay voromailala kely, dia natiora hafa iray izy. Io maimbo io, izy “tsy afaka mahatanty an’izany. Hmm!” Nahoana? Tsy manana afero iray ny voromailala; izy no vorona tokana izay tsy manana afero. Tsy mahalevona an’izany izy, noho izany ny zavatra tokana azony natao dia ny nandeha niverina avy hatrany nankany amin’ny sambofiara ary nandondòna teo amin’ny varavarana.

<sup>159</sup> Mandehana fotsiny na aiza na aiza tianareo handehanana. Ny zavatra tokana angatahako hataonareo dia midira fotsiny ao amin’ilay Fanjakana, ary fantattro izay handehananareo. Tsy afaka hahatanty an’izany intsony ianareo, rahalahy, hilaza ianareo hoe, “Efa niampita an’ilay tsipika mampisaraka aho, navelako any aoriania ity izao tontolo izao ity.” Eny, tompoko. Azo antoka fa izany ilay izy.

Oh, niangona tao amin’ny efitra ambony izy ireo,  
Ny rehetra nivavaka tamin’Ny Anarany,  
Vita batisan’ny Fanahy Masina izy ireo,  
Sy ny hery satria tonga ny asa;

Ankehitriny izay Nataony ho azy ireo tamin'io  
andro io  
Dia izany ihany no Hataony ho anao,  
Tena faly aho fa afaka milaza hoe isan'izy ireo aho.  
(Ary ianareo?)

Isan'izy ireo, isan'izy ireo aho,  
Tena faly aho fa afaka milaza . . . isan'izy ireo,  
Haleloia;  
Isan'izy ireo, isan'izy ireo aho,  
Tena faly aho fa afaka milaza hoe isan'izy ireo aho.

Firy no faly ny amin'izany izao hariva izao? Oh, oadray!

Avia, ry rahalahiko, hitady an'io fitahiana io  
Izay hanadio ny fonao amin'ny fahotana,  
Ka hanomboka haneno ireo lakolosim-pifaliana  
Ary hihazona ny fanahinao hirehitra;  
Oh, mirehitra ao anatin'ny foko izany ankehitriny,  
Oh, voninahitra ho an'Ny Anarany,  
Tena faly aho fa afaka milaza . . . isan'izy ireo.

Isan'izy ireo aho, isan'izy ireo aho,  
Tena faly aho fa afaka milaza . . . isan'izy ireo,  
Haleloia;  
Isan'izy ireo, isan'izy ireo aho,  
Tena faly aho fa afaka milaza hoe isan'izy ireo aho.

<sup>160</sup> Ankehitriny raha mbola mihira an'ity andininny manaraka  
ity isika, dia tiako ianareo handray tànana, tahaka ny ataonareo  
isan-kariva, ny Metodista rehetra, sy Batista, ary Presbyterana.  
Mifandraisa tànana, ary aoka ho tena am-pisakaizana betsaka  
mihitsy aza hifampitsako siligaoma, raha vitanareo. Ankehitriny  
aoka ho tena, tena am-pisakaizana, ho azo iaraha-monina  
ankehitriny raha mbola mihira an'izany isika:

Isan'izy ireo aho, isan'izy ireo,  
Tena faly aho fa afaka milaza hoe isan'izy ireo aho;  
Isan'izy ireo, isan'izy ireo,  
Tena faly aho fa afaka milaza hoe isan'izy ireo aho.

Na dia mety tsy nianatra aza ireo olona ireo,  
Na mihambo amin'ny lazan'izao tontolo izao,  
Dia nahazo ny Pentekostany izy rehetra,  
Vita batisa tamin'ny Anaran'i Jesosy;  
Ary miteny izy ireo ankehitriny, hatraiza hatraiza  
hoe,  
Mbola tsy miova ny Heriny,  
Tena faly aho fa afaka milaza . . .

Ankehitriny dia ndao isika hihira an'izany marina tokoa:

Oh, isan'izy ireo, isan'izy ireo,  
 Tena faly aho fa afaka milaza...isan'izy ireo,  
 Haleloia;  
 Isan'izy ireo, isan'izy ireo,  
 Tena faly aho fa afaka milaza hoe isan'izy ireo aho.

<sup>161</sup> Sitrakareo ve ny ho maritiora iray ho Azy miaraka amin'ireo Smyrniana? Raha tonga eo amin'ny toerana izay tsy maintsy hiatrehanareo ny fahafatesana izany na hihemotra, dia hiatrika an'izany ve ianareo? Eny, tompoko. O Andriamanitra, ho fahafinaretana iray izany. Eny, tompoko. Tahaka an'izany no itiavako handehanana, eo amin'ny polipitra mihitsy. Marina izany. Nihevitra aho fa vitako ilay izy ary saika nahavita an'izany izy ireo tany Alemania teto vao tsy ela akory izay. Oh, saika hitifitra ahy tamin'ny alàlan'ny masolavitra amin'ny alina izy ireo, ka nihazakazaka nanodidina ahy ireo miaramila Alemandy rehetra ary nijoro taoriana tahaka an'izao. Nieritreritra aho hoe, "Ho zavatra iray mahafinaritra toy ny inona ny ho faty ho an'ny Tompoko eto amin'ny saha eto mihitsy." Oh, oadray! Inona ny—zavatra iray mahafinaritra toy ny inona.

<sup>162</sup> Eny, mamelà ahy hihira hira kely iray ho anareo. Afaka ve aho? Ianareo ve manana—manana fotoana ho an'ny anankiray kely bitika fotsiny ve ianareo? Eny ary. Tsy afaka mihira an'ilay izy aho, resahako ilay izy. Oh, tiako foana ny mihira. Ary indray andro any rehefa tonga eo amin'ny tranonareo goavana maha-te-ho tia any ambony any ao Paradisa ianareo, lavitra any amin'ny faran'ireo ala any, izay hisy ahy sy Russell Creech ho an'io fihazana io, fantatrareo. Lavitra any amin'ny faran'ireo ala dia misy tranobongo kely any izay hirain-dRahalahy Neville hoe, *Anoreno Tranobongo iray Aho eo amin'ilay Zoron-dàlana*, (Nihevitra aho fa niresaka mikasika ny toerako izy)...ao amin'ny *Tanin'ny voninahitra*. Amin'ny iray amin'ireo maraina rehefa mandeha mivoaka amin'ny lavaranganareo lehibe ianareo any, ka mijery manodidina tahaka an'izao, lavitra any amin'ilay zoron-dàlana dia mandre olona iray mihira ianareo hoe:

Fahasoavana mahagaga, tena mamy ilay feo,  
 Izay namonjy mahantra iray tahaka ahy!

<sup>163</sup> Hoy ianareo hoe, "Eny, isaorana Andriamanitra, Rahalahy Branham antitra no nanao an'izany. Eo izy, mandre azy mitsangana eo aho izao ankehitriny izao, mihira ny *Fahasoavana Mahagaga*."

<sup>164</sup> Fahasoavana mahagaga no nitondra ahy teo. Marina izany.

Fa mitete rà izany, eny, (Izany no antony itoriako an'Ity.) mitete rà izany,  
 Ity Filazantsaran'ny Fanahy Masina ity dia mitete  
 rà,

Ny ràn'ireo mpianatra izay maty ho an'ny  
 Fahamarinana,  
 Ity Filazantsaran'ny Fanahy Masina ity dia mitohy  
 mitete rà.

Ny maty voalohany ho an'ity planin'ny Fanahy  
 Masina ity,  
 Dia i Jaona Mpanao-batisa, saingy maty tahaka ny  
 olona iray izy;  
 Avy eo dia tonga ny Tompo Jesosy, nohomboan'izy  
 ireo Izzy,  
 Nampianatra Izzy fa ny Fanahy no hamonjy ny  
 olona amin'ny fahotana.

Nisy an'i Petera sy Paoly, ary Jaona ilay masina,  
 Nanolotra ny ainy izy ireo mba hahafahan'ity  
 Filazantsara ity hamirapiratra;  
 Nafangaron'izy ireo ny ràny, tahaka an'ireo  
 mpaminany fahiny,  
 Mba hahafahan'ilay Tenin'Andriamanitra marina  
 ho voalaza marina.

Misy ireo fanahy eo ambanin'ny alitara, (Ireo  
 maritiora) miantsoantso hoe, "Mandra-  
 pahoviana?"  
 Mba hanasazian'ny Tompo an'ireo izay nanao  
 ratsy; (Henoy! Haingana mihitsy!)  
 Fa mbola hisy maro ireo izay hanolotra ny ràn'ny  
 ainy  
 Ho an'ity Filazantsaran'ny Fanahy Masina ity sy  
 ny Fahatondrahany mena.

Mitete rà izany, eny, mitete rà izany,  
 Ity Filazantsaran'ny Fanahy Masina ity dia mitete  
 rà,  
 Ny ràn'ireo mpianatra izay maty ho an'ny  
 Fahamarinana,  
 Ity Filazantsaran'ny Fanahy Masina ity dia mitohy  
 mitete rà.

<sup>165</sup> Oh, hisy ny . . .

[Miteny amin'ny fiteny hafa ny anabavy iray, manome  
 ny fandikana ny rahalahy iray. Miteny amin'ny fiteny hafa  
 ny rahalahy iray, miteny amin'ny fiteny hafa ny anabavy  
 iray. Elanelana tsy voaraki-peo. Manome ny fandikana ny  
 rahalahy iray—Mpand.] Vonitorahitra. Amena. Amena. Hmm.  
 Hmm. Vonitorahitra. Amena. Eny.

<sup>166</sup> Amena. "Izay manan-tsotofina, aoka izy hihaino izay lazain'ny  
 Fanahy amin'ireo fiangonana."

Tiako Izzy . . .

Manompoa ankehitriny, jereo izay Hataony. Raha mbola tsy nitia Azy mihitsy ianareo tany aloha, dia te-hitia Azy ve ianareo ankehitriny? Hitsangana ve ianareo ka hanaiky Azy, handray Azy ho Mpamonjinareo?

... ahy, (Andriamanitra hitahy anao, rahalahy.)  
Ka niv-....

Hitsangana ve ny olon-kafa iray, ka hanao hoe, “Mila Azy aho, izao ankehitriny izao, te-hitia Azy aho”?

...-jena  
Teo amin’ny an’i Kalvary...

Andriamanitra hitahy anao, ranabavy. Andriamanitra hitahy anao iry aoriana iry, ramatoa tanora.

Tiako Izzy...

Izay manan-tsofina, aoka izy hihaino izay lazain’ny Fanahy amin’ny fiangonana.

...nitia ahy mialoha Izzy  
Ka nividy ny famonjeko  
Teo amin’ny hazon’i Kalvary.

<sup>167</sup> Rainay any An-danitra, raha mahita an’ireo telo ireo mitsangana amin’ny tongony Ianao, O Andriamanitra, mivavaka Aminao aho mba hamindra fo, O ry Anankiray Mandrakizay, ka hanome azy ireo ny famelàna ny fahotana rehetra, ary famonjena, ny Fanahy Masina ao amin’ny fiainan’izy ireo, mba tsy ho voakasiky ny fahafatesana faharoa izy ireo. Mahalala izy ireo, Tompo, izao hariva izao, raha mitsangana izy ireo, fa-fa misy zavatra antomotra akaiky. Nanome fampitandremana ny Fanahy Masina. Ny mahita ny Fanahy Masina milatsaka eo anivon’ny olona, mahita Azy miasa araka ny Soratra mihitsy, ireo hafatra telo fotsiny ary tapitra. O Andriamanitra, hafatra iray ho an’ny olona tsirairay.

<sup>168</sup> Ankehitriny, Ray, mivavaka Aminao izahay mba hamindra fo. Aoka io Fanahy sarobidy io hijanona eo afovoanay. Enga anie izahay hanaja Azy, Andriamanitra; ekeo izany. Raiso ho eo ambanin’ny Fitandremanao ireo fanahy ireo, Ray, izy ireo no vokatry ny Hafatra izao hariva izao, ary an’ny hafatra avy tamin’ny Fanahy Masina izay voateny teo anivonay. Ary mangataka izahay, Andriamanitra Ray, mba Hombanao azy ireo amin’ny androm-piaianany rehetra. Ary enga anie “ao amin’ny tontolo iray tsy misy farany” enga anie hihaona amin’izy ireo izahay ao, voavonjin’ny Rà sy ny fahasoavan’i Kristy. Atolotray Anao izy ireo ankehitriny, Ray, fenoy amin’Ny Fanahinao Masina izy ireo. Fa mangataka an’izany amin’ny Anaran’i Jesosy izahay. Amena.

<sup>169</sup> Andriamanitra hitahy anareo, ry rahalahiko. Na iza na iza eo akaikin’ireo olona izay nitsangana ireo, ireo Kristiana, dia raiso

ny tānan'izy ireo rehefa mipetraka izy ireo, omeo azy ireo... irario ho azy ireo ny fanambinan'Andriamanitra.

<sup>170</sup> Hitanareo ve hoe mankatò toy ny ahoana ny Fanahy Masina, toy ny ahoana no Anaovany an'ilay izy mihitsy amin'ny farany? Hitanareo? Hoy ny Baiboly hoe, "Aoka ny...ireo izay miteny amin'ny fiteny tsy fantatra ho roa, na tsy...telo raha be indrindra," hitanareo. Ilay hafatra dia tsy hoe raha mbola teo am-piresahana aho, taorian'ny nahataperan'Izany mihitsy. Tahaka an'izany no natao haha-izy azy, ny olona rehetra tena manaja ary mihaino izay lazain'ny Fanahy. Avy eo dia inona no nitranga? Nitsangana mba hibebaka ireo mpanota. Oh, eritrereto. Ny Fanahy Masina Izy tenany, tsy manao an'izany... tamin'ny alàlan'ny Teny mihitsy aza, dia tonga ary nanao fanehoana.

<sup>171</sup> Fantattro ny sasany amin'ireo olona izay miteny amin'ny fiteny tsy fantatra ireo, fantattro izy telo rehetra izay niteny; ary izaho—fantattro ireo izay nanome ny fandikana; fantattro fa ny fiainan'izy ireo dia tsy misy fahotana eo anatrehan'Andriamanitra. Rahalahy Neville eto, ny pasiterantsika, mpitoriteny Metodista iray; mpitoriteny Metodista iray izany, mipetraka eto, nandray ny Fanahy Masina. Junie, eto, Rahalahy Jackson, mpitoriteny Metodista hafa iray, nandray ny Fanahy Masina. Marina izany, miaraka amin'ny fanomezam-pahasoavan'ny fiteny tsy fantatra sy fandikana.

<sup>172</sup> Ary voamarikareo hoe ahoana no anaovantsika ny fiangonana, ny olona tsirairay manaja; miteny Andriamanitra. Hitanareo hoe ahoana no Itenenany marina tokoa araka ny Baiboly; anankiray; tsy azo tsara mihitsy ilay hafatra, dia Averiny indray izany, saingy tsy hiteny mihoaatra ny intelo Izzy; hitanareo, araka ny Soratra eo. Hitanareo, Izy no hanome an'io hafatra io; tsy mampifanjevo an'izany mihitsy Izy, "satria ny fanahin'ny mpaminany dia manaiky ny mpaminany." Ny zavatra rehetra dia mihaino ary milamina tsara...

<sup>173</sup> Ankehitriny dia tahaka an'izany no tokony handaminana ny fiangonana. Ankehitriny ho anareo olona izay mety eto avy any ivelany, izay nandre ahy miresaka an'izany, dia tokony ho tahaka an'izany ilay izy. Hitanareo, mivoaka ny hafatra. Hitanareo ve ireo vokatra? Izany dia mitranga *eo no ho eo*. Misy zavatra miseho, mitovy marina tokoa amin'ny famantaranana fanahy iray hafa. Tsy mahafinaritra ve Izy? Oh, tena faly aho ny mahafantatra fa ilay zavatra iray ihany izay nodidian'i Masindahy Paoly, *eto* mihitsy, dia tsy maty *eto* mihitsy. Mbola ilay zavatra iray ihany foana. Oh, tena faly aho fa afaka milaza hoe isan'izy ireo aho. Ary ianareo? Eny àry.

<sup>174</sup> Ankehitriny, rahampitso hariva amin'ny fito ora, dia handray ny taonan'i Laodikia isika, ary izany dia ilay taonan'ny *fanambadiana*. Tiako ianareo ho tonga raha mety afaka. Tara

kely fotsiny aho androany hariva, satria miteny angamba ny Fanahy Masina sy ny sisa. Fa mbola aloha izao, eo amin'ny sivy sy roapolo minitra izao. Ary mazàna aho dia eto amin'ny folo na amin'ny iraika ambin'ny folo ora, noho izany dia tena aloha marina tokoa eto. Noho izany dia ankasitrahahanareo ve ireo—ireo—ireo hafatry ny Tompo? Ankasitrahahanareo marina tokoa ve? Mamahana ny fanahinareo izany.

<sup>175</sup> Andriamanitra hitahy anareo, ry zanako. Fantatrareo, tiako amin'ny foko rehetra ianareo. Ary matetika rehefa mihazona ahy ny Fanahy, izany dia sady mandidy... Tahaka an'izany ny Teny, maranitra tahaka ny sabatra roa lela Izzy. Mandidy izy tonga, mandeha, anaty, ivelany, amin'ny lèlana rehetra. Saingy izany no mamora antsika. Ny famoràna dia manala fotsiny an'ilay nofo mihoatra, ireo zavatra izay tsy tokony ananantsika.

<sup>176</sup> Ankehitriny, tiako ianareo hanamarika. Efa nandre ny Fanahy teo amin'ny fandikana ve ianareo izao hariva izao? "Ajanòny io fahadalana io!" Mamora izany. Aoka ho tso-po! Miala amin'ilay tsipika isika rehetra, saingy Andriamanitra no mahafantatra hoe ahoana no hanaratana an'ireo trafo hiala amintsika. Tsy manao ve Izzy? Manao tokoa Izzy. Mankasitraka aho ny amin'izany. Ary ianareo?

<sup>177</sup> Ianao ve ilay mpitendry piano kely eto? Tsy hitako... Teddy ve...? Tsy mahita azy na aiza na aiza aho eto. Ity—ity ve...? Eny àry, ranabavy, raha sitrakao. Zanakao vavy ve io, Rahalahy Daulton? Vinantovavy. Eny àry. Ramatoa kely tena mahafinaritra, tena faly aho fa Kristiana iray ianao. Eny àry, inona ilay hirantsika tsara, fampiravàna fahiny? Ndaو isika hanandrana anankiray, alohan'ny anaovantsika fotsiny, ankehitriny. Iray minitra fotsiny, ranabavy, alohan'ny hirantsika ny *Raiso Eo Amino Ny Anaran'I Jesosy*.

<sup>178</sup> Firy no mahay ny *Aza Adino Ny Vavaky Ny Fianakaviana*? Firy no mivavaka ao amin'ny fianakavianareo, ny fianakavianareo mivavaka? Oh, tsara izany. Ndaو isika hanandrana azy indray mandeha, tahaka an'ireo andro fahiny fotsiny ankehitriny:

Aza adino ny vavaky ny fianakaviana,  
Te-hihaona aminareo eo Jesosy;  
Hitondra ny fanahianareo rehetra Izzy,  
Oh, aza adino ny vavaky ny fianakaviana.

Tianareo ve izany? Ndaو andramantsika indray izany:

Aza adino ny vavaky ny fianakaviana,  
Te-hihaona aminareo eo Jesosy; (Manana daty iray  
ianareo, ankehitriny.)  
Hitondra ny fanahianareo rehetra Izzy,  
Oh, aza adino ny vavaky ny fianakavianareo.

<sup>179</sup> [Hoy ny anabavy iray hoe, "Ranadahy Branham, afaka milaza zavatra iray ve aho?"—Mpand.] Azo antoka fa afaka,

Ranabavy. [Manomboka miresaka ilay anabavy. Elanelana tsy voaraki-peo.] Ranabavy Nash, tena mahafinaritra izany. Oh, raha ianao fotsiny:

Raha matoky isika ka tsy misalasala mihitsy, dia azo antoka fa hamoaka anareo Izy;

Ento mankeo amin'ny Tompo fotsiny ny enta-mavesatrareo avy eo dia avelao eo izy ireo.

Avelao eo izy ireo, avelao eo izy ireo,

Ento mankeo amin'ny Tompo ny enta-mavesatrareo dia avelao eo izy ireo;

Raha matoky isika ka tsy misalasala mihitsy, dia azo antoka fa hamoaka anareo Izy;

Ento eo amin'ny Tompo ny enta-mavesatrareo dia avelao eo izy ireo.

<sup>180</sup> Tsy tianareo ve ireo hira fiderana fahiny ireo? Oh, izaho fotsiny... Mino aho fa nandray ny penina ireo lehilahy ireo ary voatsindrimandrin'ny Fanahy Masina mba hamaky an'izany.

<sup>181</sup> Tahaka an'i Fanny Crosby jamba rehefa niezaka nanao azy hanoratra hiran'izao tontolo izao ireo olon'izao tontolo izao an'izany andro izany, nanao hoe, "Nahoana, ho vehivavy iray manan-karena ianao."

Hoy izy hoe, "Efa natokako ho an'i Kristy ny fiainako, sy ny talentako rehetra." Jamba izy, fantatrareo. Hoy izy, "Izaho—manolotra ny fiainako sy ny rehetra ho an'i Kristy aho." Hoy izy...

<sup>182</sup> Ary tamin'izay fotoana izay dia somary tezittra taminy izy ireo satria nandà fanararaotra iray tahaka an'izany izy. Tsy nivaratra ny fizokiany tahaka ny nataon'Atoa. Presley sy izy ireo izy, fa izy—nihazona ny fahamarinany izy. Noho izany izy—izy... Izy ireo—navelan'izy ireo izy, nanao hoe, "Noho izany rehefa tonga any An-danitra ianao, raha misy ny toerana iray tahaka an'izany," hoy izy ireo, "raha tahaka ny maha-izy anao eto ianao, dia ho jamba." Hoy izy ireo, "Ahoana moa raha ianao no jamba," hoy izy ireo, "ahoana no hahafantaranao Azy?"

Hoy izy hoe, "Ho fantattro Izy. Ho fantattro Izy."

Hoy izy ireo, "Ahoana moa raha jamba ianao? Ahoana moa raha ianao no jamba?"

Hoy izy hoe, "Hahatsapa an'ireo diam-pantsika aho." Avy eo dia nitodika izy, nanomboka nandeha niverina izy, ka hoy izy hoe:

Ho fantattro Izy, ho fantattro Izy,

Ary voavotra hijoro eo Anilany aho;

Ho fantattro Izy, ho fantattro Izy

Amin'ny alàlan'ireo diam-pantsika eo amin'ny

Tànany.

<sup>183</sup> O ry Jesosiko, miaraka amin'ireo ratra dimy sarobidy, mivoa-drà ho ahy any, ahoana no mba ahafahako mandà an'io Anankiray sarobidy io? Avelao aho ho faty, avelao aho handeha amin'ilay... Avelao aho handeha amin'ny lèlan'ny zavatra rehetra, fa aza mamela ahy mihitsy handà an'io Anankiray sarobidy mivoa-drà any io izay maty ho ahy. Eny.

<sup>184</sup> Ary raha miala ianareo izao hariva izao, dia ilainareo ny: *Raiso Eo Amino Ny Anaran'i Jesosy*. Eny àry, ranabavy. Hitsangana isika ankehitriny, ny rehetra miaraka.

...eo aminaio ny Anaran'i Jesosy,  
Ry zanaky ny alahelo sy fahoriana;  
Hanome fifaliana sy fiononana ho anao Izany,  
Raiso Izany na aiza na aiza alehanao.  
Anarana sarobidy (Anarana sarobidy), Oh tena  
mamy! (Oh tena mamy)  
Fanantenan'ny tany sy fifalian'ny Lanitra;  
Anarana sarobidy (Anarana sarobidy), Oh tena  
mamy!  
Fanantenan'ny tany sy fifalian'ny Lanitra.

Ankehitriny raha manondrika ny lohantsika isika, ary mihira moramora:

Amin'ny Anaran'i Jesosy no iondrehana,  
Miankohoka eo an-Tongony,  
Hosalorantsika Mpanjakan'ny mpanjaka any An-  
danitra Izzy,  
Rehefa mifarana ny diantsika.  
Anarana sarobidy, Oh tena mamy!  
Fanantenan'ny tany sy fifalian'ny Lanitra;  
Anarana sarobidy, Oh tena mamy! (Tena mamy!)  
Fanantenan'ny tany sy fifalian'ny Lanitra.



*NY TAOM-PIANGONANA SMYRNA MAG60-1206*

(The Smyrnaean Church Age)

ANDIAN'NY PANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Talata hariva, 6 Desambra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)